

蜜

C40
4514
201



040-4514

了翁上座請大藏及有
家書置之武州紫雲山
我微安塔院庶府中永
為學子不敢許出院內
當山二世鐵斗持謹誌



B 64853

妙法蓮華經玄義卷第三上

天台智者大師說

二諸境開合者先用十如爲首何者此經命章絕言
稱歎十如今更說五境云何同異耶十二因緣與十
如開合者各異故言開義同故言合無明支合如是
性行支合如是相識名色六入觸受合如是體愛合
如是緣取合如是力作有合如是因生老死合如是
果報等云又總合者如是相合行有兩支如是性
合無明愛取三支如是體合識名色乃至老死七支
如是力還是煩惱道三支無明愛取能生業力如是

作還是行有二支能爲苦作業也如是因還是行有
二支爲七苦作因也如是緣還是無明愛取三支能
潤業取苦也如是果還是行有之習果也如是報還
是行有之業招名色等報此兩番通用思議十二因
緣合六道十如是次用不思議十二因緣合四聖十
如者無明支轉卽變爲明明卽了因成聖人如是性
惡行文轉卽變爲善行善行卽緣因成聖人如是相
識名色等苦道轉卽法身成聖人如是體愛取二支
轉成聖人菩提心卽是如是力有支含果變成六度
行卽成聖人如是作亦轉成聖人如是因此有支轉

有二種正道轉成如是因助道轉成聖人如是緣老
效支轉成法性常任成聖人如是果報云又總作
者體力作三法祇是煩惱業苦變成法身菩提心六
度行等勤習三法在內成性在外成相正意成體誓
願深遠成力立行成作牽果成因相助成緣剋發成
果報云若細分四聖節節有異今取大槩故通釋
耳經云一切智願猶在不失二乘亦得作通釋也四
種四諦合十如者生滅無生兩種苦集是六道十如
如是相如是性是集如是體是苦如是作力因緣又
是集如是果報又是苦云生滅無生兩種道滅是

析體二乘及通菩薩十如如是相性卽是道如是體
卽是滅如是力作因緣皆是道如是果報又是滅無
量無作兩種苦集卽是四聖界外果報十如集諦卽
是界外如是相性力作因緣也苦諦卽是界外如是
體果報等云云無量無作兩種道滅卽是四聖界外
涅槃十如道諦卽是涅槃體果報等亦成常住法身
若解脫也滅諦卽是涅槃體果報等亦成常住法身
也云云四種四諦合四種十二因緣者生滅無生兩
苦集卽是兩種思議十二因緣生滅無生兩種道滅
卽是兩種思議十二因緣無明滅乃至老死滅也無

量無作兩苦集卽是兩不思議十二因緣也無量無
作兩道滅卽是兩不思議十二因緣無明滅乃至老
死滅此可解七種二諦合十如者藏通別圓入通凡
四俗皆是六道十如也藏通兩真是二乘十如也別
圓入別兩俗有邊是六道十如無邊是二乘十如圓
俗此通九法界十如別入通圓入通別圓入別圓凡
五種真皆是佛法界十如也七種二諦合四種十二
因緣者藏通別圓入通凡四俗卽是思議兩種十二
因緣藏通兩真卽是思議十二因緣無明滅乃至老
死滅也別圓入別兩俗有邊是思議十二因緣無邊

是思議無明滅乃至老死滅圓俗卽通界內外四種
十二因緣也別入通圓入通別圓入別圓凡五種真
卽是界外不思議十二因緣無明滅乃至老成滅也
七種二諦合四種四諦者實有二諦卽生滅四諦也
幻有二諦卽無生四諦也別入通圓入通兩俗還是
無生苦集也別入通真是無量道滅也圓入通真是
無作道滅也別俗圓入別俗此是無量苦集圓俗是
無作苦集別真是無量道滅圓入別真圓真是無作
道滅也五種三諦合十如者別入通圓入通兩俗是
六道十如別俗圓入別俗有邊是六道十如無邊是

二乘十如圓俗意通九界云五種真諦皆是二乘
菩薩等十如五種中諦皆是佛界十如也五種三諦
合四種十二因緣者別入通圓入通兩俗是六道思
議十二因緣別圓入別兩俗有邊是思議六道十二
因緣生無邊是思議十二因緣滅圓俗義通云今
且用是四種十二因緣五種真諦卽是思議十二因
緣滅亦卽是不思議十二因緣生五種中諦卽是不
思議十二因緣滅五種三諦合四種四諦者別入通
圓入通兩俗卽無生苦集也別俗圓入別俗圓俗通
是無生之苦集亦是無生之道滅亦是無量之苦集

海華七義卷之三
四
也別入通圓入通兩真本取但空邊是無生道滅也
別真圓入別真卽是無生之道滅於無量是苦集圓
真於無生是道滅於無量無作是苦集別入通中是
無量道滅圓入通中是無作道滅別中是無量道滅
圓入別中是無作道滅圓中正是無作道滅五種三
諦合七種二諦者簡前兩二諦不被合也次二種二
諦二俗卽是五種三諦家五種俗二真空邊卽是五
種三諦家真不空邊卽是五種三諦家中後三種二
諦三俗空邊卽是五種三諦家真有邊卽是五種三
諦家俗三真卽是五種三諦家中又作一種說如後

簡前二諦不被合後五俗有真有俗後五真有真有
中一實諦合十如者一一法界皆具十界簡卻九界
但與佛法界同也簡三種十二因緣但與一種十二
因緣滅同簡三種四諦但與一實四諦同簡七種二
諦但與五真諦有同不同簡五種三諦但與五中諦
同云言無諦不可說者合十如如名不異卽是空
寂言辭相寂滅不可說示卽是十種皆如義也諸無
明滅乃至老死滅其義甚深甚深卽無諦同也生生
不可說乃至不生不生不可說卽與無諦同也七種
真諦皆不可說最初真諦不可說者如身子云吾聞

解脫之中無有言說況後六耶非生歟非涅槃既非
二邊亦無中道卽五種中諦與無諦同也一實名虛
空虛空無一云何有實卽無諦同也無諦自無所存
平等大慧無若干也雖無若干若干無量舒之充滿
法界不知從何而來無量無若干收之莫知所有不
知從何而去不來不去卽是法佛云復次七種二
諦赴緣開合轉轉相入一一又各有隨情隨智隨
智等餘五義例亦應有今不具載何者佛以一音演
說法衆生隨類各得解自思之問諸境理旣融會何
意紛葩更相拘入耶答如來觀知十界性相有成熟

者未成熟者大機未熟不令起謗小機若熟不令失
時隨其所宜應單應復偏圓相入而成熟之聞卽得
益華嚴雖具鑿十界兩界熟故別圓二種而成熟之
三藏亦鑿十界二乘性相熟故用生滅而成熟之方
等亦鑿十界四界熟故用四種相入而成熟之般若
亦鑿十界亦四界熟故用三種相入而成熟之法華
亦鑿十界一性相熟但一圓諦而成熟之若無善巧
方便出沒調熟云何境智而得融妙耶譬如畫師尚
能淡入五彩作種種像況佛法王於法自在而不能
種種間入調伏衆生耶問上明六境等此經聽可無

法華玄義卷第三
五
各有其義不答十如名義已備於前四種十二因緣者化城品明生滅十二緣譬喻品但離虛妄是不生十二緣方便品云佛種從緣起是界外無量無作兩種十二緣四諦者譬喻品諸苦所因貪欲爲本生滅四諦藥草喻品了達空法は無生四諦又云無上道及方便品但說無上道如來滅度等是界外無量無作兩種四諦也十如差別是世諦唯佛與佛乃能究盡諸法實相卽真諦也安樂行云亦不分別有爲無爲實不實法有是俗諦無是真諦亦不分別是遮二邊顯中道壽量云非如非異非異非俗非如非

真三諦義也方便品云更以異方便助顯第一義是一實諦也又云唯此一事實也若言說無分別法又諸法寂滅相不可以言宣是無諦義也○第二智妙者至理玄微非智莫顯智能知所非境不融境既融妙智亦稱之其猶影響矣故次境說智智卽爲二初總論諸智二對境論智總智爲六一數二類三相四照五判六開數者一世智二五停心四念處智三四善根智四四果智五支佛智六六度智七體法聲聞智八體法支佛智九體法菩薩入真方便智十體法菩薩出假智十一別教十信智十二三心智十三

十地智十四三藏佛智十五通教佛智十六別教佛智十七圓教五品弟子智十八六根清淨智十九初住至等覺智二十妙覺智二類者世智無道邪計妄執心行理外不信不入故爲一五停心四念處已入初賢佛法氣分俱是外凡故爲一四善根同是內凡故爲一四果同見真故爲一支佛別相觀能侵習故爲一六度緣理智弱緣事智強故爲一通教方便聲聞體法智勝故爲一支佛又小勝故爲一通教菩薩入真方便智四門徧學故爲一通教出假菩薩智正緣俗故爲一別教十信智先知中道勝前劣後故爲

一別教三十心俱是內凡故爲一十地同是聖智故爲一三藏佛是師位各勝三乘弟子故爲一通教佛智斷惑照機勝故爲一別教佛智又勝故爲一圓教五品弟子同具煩惱性能知如來秘密之藏故爲一六根清淨智隣真故爲一初住至等覺同破無明故爲一妙覺佛智無上最尊故爲一如是等隨其類分相似者或離或合判爲二十云三辨相者天竺世智極至非想此間所宗要在忠孝五行六藝天文地理醫方卜相兵法貨法草木千種皆識禽獸萬品知名又塗左割右等無憎愛獲根本定發五神通停河

法華玄義卷三
在耳變釋爲羊納吐風雲捫摸日月法是世間法定
是不動定慧是不動出邀名利增見愛世心所知故
名世智也五停四念者有定故言停有慧故言觀觀
能翻邪定能制亂數息治散不淨治貪慈治瞋因緣
治癡念佛治障道念處是觀苦諦上四智治於四倒
四倒不起由此四觀初翻四倒未入聖理故言外凡
智也煇法緣四諦境生智伏煩惱智更增成十六觀
智如火鑽上下相依生火燒薪以有智知有境能生
煇智今有萎悴如夏時聚華爲積華生煇氣還自萎
悴又依陰觀陰發智火還燒陰如兩竹相摩生火還

燒竹林尊者瞿沙說求解脫智火煇最在初如火以
煙在初爲相無漏智火亦以煇法在先爲相如日明
相在初爲相是故名煇於正法毗尼中生信愛敬正
法者緣道諦信毗尼者緣滅諦信煇能緣四諦云何
言二答此二最勝應先說又正法是三諦毗尼是滅
諦如佛爲滿宿我有四句法當爲汝說欲知不當恣
汝意四句卽四諦也所有布施持戒盡向解脫是其
意趣色界定起是其依於自地前生善根是相似因
緣於四真諦頂是其功用果自地相似後生善根是
依果色界五陰是其報涅槃決定因及不斷善根是

其利十六行是其行是緣生是修慧色界繫三昧
三根隨所說相應衆多心是退煇有三種謂下下
中下上頂有三中下中中上忍有二種上下上中
世第一有一種謂上上此四善根以三言之煇是下
頂是中忍世第一是上復有說者煇有二謂下下
中頂有三謂下上中下中中忍有三謂中上上下上
中世第一法有一謂上上亦以三言之煇是下下頂
是下中忍是中上世第一是上上瞿沙云煇有下三
頂有六下下乃至中上忍有八下下乃至上中世第
一但上上以三言之煇法一種謂下頂法二種謂下

中忍有三種謂下中上世第一有一種謂上煇有二
捨一離界地二退時退時捨墮地獄作五無間而不
斷善根頂亦如是忍唯一捨不墮地獄云頂法者
色界善根有動不動住不住有難不難斷不斷退不
退就動乃至退者有二下者是煇上是頂彼不動乃
至不退者爲二下者是忍上者是世第一法復有說
者應言下頂所以者何在煇法頂故名頂在忍法下
故名下復有說者如山頂之道人不久住若無難必
過此到彼若遇難即便退還行者住頂不久若無難
必到忍有難退還煇猶如山頂故名頂云何爲觀於

佛法僧生下小信小信者此法不久停故言下小此
信緣佛生小信是緣道諦緣法生下小信是緣滅諦
問應能緣四諦云何言緣二諦答道滅勝故清淨無
過是妙是離能生信處爲生受化者信樂心故若世
尊說苦集是可信敬者則無受化者此煩惱惡行邪
見顛倒云何可敬信我常爲此逼迫受化者於道滅
生欣樂是故說二也復有說者信佛僧是緣道信法
是緣三諦則盡信四諦也問住頂亦信陰亦信寶亦
信諦何故但說信三寶答三寶是生信敬處但隨行
者意於陰生悅適是名爲煖於寶生悅適是名爲頂

於諦生悅適是名爲忍問何故頂退不說煖退答頂
既退亦應說煖退行者在頂時多煩惱業留難煩惱
等作是念若行者到忍我復於誰身中當作果報若
離欲界時亦念行者出欲界我復於誰身中生果報
離非想非非想處時亦念行者離彼欲已更不受身
我復於誰身中生於果報於此三時多諸留難留難
退故大憂惱如人見寶藏大喜欲取卽失任頂法者
自念不久當得於忍永斷惡道獲大重利猶如聖人
而忽退失故大憂惱是故言頂退也若能親近善友
從其聞隨順方便法內心正觀信佛喜提信善說法

信僧清淨功德是說信實說色無常乃至說識無常
是說信陰知有苦集滅道是說信諦若如是卽頂頂
若不如是卽頂退忍法觀者正觀欲界苦色無色界
苦欲界行集色無色界行集欲界行滅色無色界行
滅斷欲界行道斷色無色界行道如是三十二心是
名下忍行者後時漸漸減損行及緣復更正觀欲界
苦色無色界苦乃至觀斷欲界行道除觀斷色無色
界行道從是中名中忍復更正觀欲界苦觀色無色
界苦乃至觀色無色界行滅除滅一切道復正觀欲
界苦色無色界苦乃至觀欲界行滅除色無色界行

滅復正觀欲界苦乃至觀色無色界行集除滅一切
滅復正觀欲界苦乃至觀欲界行集除色無色界行
集復正觀欲界色無色苦除一切集復正觀欲界苦
除色無色界苦復正觀欲界常相續不斷不遠離如
是觀時深生厭患復更減損但作二心觀於一行如
似苦法忍忍法智如是正觀是各中忍復以一心觀
欲界苦是各上忍復次生世第一法世第一法後次
生苦法忍譬如人欲從己國適他國多財產不能持
去以物易錢猶嫌錢易金嫌金易多價實往適他國
行者乃至漸捨相續不離生於上忍上忍後生第一

法第一法後生苦忍問世第一法有三品不答一人
無多人有身子上目連中餘皆下就佛支佛聲聞爲
三品世第一法者此心心數法於餘法爲最爲勝爲
長爲尊爲上爲妙亦分亦都分者勝世間法不勝見
諦見諦眷屬不相離慧力偏多故熏禪不與凡夫同
生一處故盡智時一切善根永離一切諸垢障故三
三昧乃至惡賤無漏何況有漏不應都勝分勝彼煖
頂忍法亦應言第一應言分勝勝煖頂忍一切凡夫
所得禪無量解脫除入也或言都勝非謂一切事業
中勝但以能開聖道門故彼見諦等不能開聖道門

以世第一法開聖道門彼見諦等法得修見諦等法
得修者皆是世第一法功用是世第一法名義者最
勝義是第一義得妙果是第一義如高幢頂更無有
上是第一義問前諸義有差別邪答此皆歎說上妙
之義亦有差別於不淨安般名最於聞慧名勝於思
慧名長於煖爲尊於頂爲上於忍爲妙又依未至爲
最依初禪爲勝中間爲長二禪爲尊三禪爲上四禪
爲妙如是種種說此依毗婆沙釋欲委知向彼尋初
果八忍八智三果重慮緣真九無礙九解脫智支佛
用總相別相如約三神明苦集分別十二因緣卽別

法苑珠林卷三
三
相相也六度緣理智弱伏而未斷事智強能捨身命財無所遷顧聲聞能發真成聖猶論我衣我鉢互論強弱云通教聲聞總相一門達俗卽真通教緣覺能於一門總相別相達俗卽真通教菩薩能於四門總相別相達俗卽真又能徧四門出假教化衆生十信信果頭真如實相爲求此理起十信心十住正習入空傍習假中十行正習假傍習中十迴向正習中初地證中二地已上重慮於中三藏佛一時用三十四心八忍八智九無礙九解脫斷正習盡通佛坐道場一念相應慧斷餘殘習氣別教佛用金剛後心斷

一品無明究竟盡成佛或言斷時是等覺佛無所斷但證得圓滿菩提具足耳圓五品不斷五欲而淨諸根具煩惱性能知如來祕密之藏六根淨位獲相似中道智初住獲如來一身無量身入法流海中行任運流注後位可解不復記四明智照境者若由智照境由境發智四句皆墮性中如別記云若四悉檀因緣立境智但有名字云問智能照境境亦能照智不答若作不思議釋更互相照義亦無妨仁王般若云說智及智處皆名爲般若譬鏡面互相照亦如大地一能生種種芽亦生地一旦置斯義世智照

六道十如五停心智去至體法凡七智照二乘十如
六度及通教出假菩薩智兩屬上求照菩薩十如下
化照六道十如四十心智亦兩屬上求照菩薩十如
下化照六道十如十地智兩屬次第照照菩薩十如
不次第照照佛十如五品去凡四智皆照佛界十如
總略如此細揀云二十智照四種十二因緣境者
世智五停四念四果乃至支佛六度三藏佛凡七智
照思議生滅十二因緣境通教三乘入真方便智出
假智佛智凡五智照思議不生不滅十二因緣境別
教十信三十心十地佛凡四智照不思議生滅十二

因緣境其中不無別意且從大判圓教四智照不思
議不生不滅十二因緣境二十智照四種四諦者前
三藏等七智照生滅四諦境次通教五智照無生滅
四諦境次別教四智照無量四諦境次圓教四智照
無作四諦境次二十智照二諦者前七智是照析空
之二諦次五智是照體空之二諦次八智照顯中之
二諦其間別圓相入者可以意得云次明二十智
照三諦者前七智照無中之二諦是因緣所生法皆
屬俗攝次五智照含中之二諦卽空一句皆屬真諦
攝也次別圓八智照顯中之二諦卽是假名亦各中

道二句皆屬中道諦攝也次二十智照一實諦者此須引釋論明四悉檀皆各爲實世界故實乃至第一義故實當知實語亦通四諦生滅故實無生滅故實無量故實無作故實前三藏七智照生滅之實次通教五智照無生滅之實次別教四智照無量之實次圓教四智照無作之實前後諸實云次二十智無諦無照者無諦無別理若於四種四諦得悟不復見諦與不諦故無諦亦通也前七智照生滅之無諦生不生不可說故次五智照無生滅之無諦生不生不可說故次四說故次四智照無量之無諦生不生不可說故次四

智照無作之無諦不生不生不可說故前無諦是權後無諦是實此就言教若就妙悟同於聖人心中所照者則不見有權實故非權非實空拳誑小兒誘度於一切方便說權方便說實會理之時無復權實故稱非權非實爲妙也五明麤妙者前十二番智是麤後八番智爲妙何者藏通等佛自是無常亦不說常彼二乘菩薩何得聞常信常修常是故爲麤別教十信初已聞常信修於常尚勝彼佛何況餘耶是故爲妙常途云法華不明常者祇是三藏意耳今明十信知中已過牟尼則八番爲妙也又別教四智三麤一

妙圓教四智悉皆稱妙何者地人云中道乃是果頭
能顯初心學者仰信此理如藕絲懸山故說信行皆
非圓意也故十信智爲麤十住正修空傍修假中十
行正修假傍修中十迴向始正修中此中但理不具
諸法是故皆麤登地智破無明見中道證則爲妙類
如通藏兩種俱得道而三藏門拙今別教亦爾教門
皆權而證是妙云圓教四智皆妙者如法相說如
說而信如理而行始論五品終竟妙覺實而非權是
故皆妙是名待麤智說妙智也又約知見明麤妙者
知與見云何然分別有四不知不見知非見見非知

亦知亦見先約三藏釋後約圓釋中間例可解凡夫
不聞故不知不證故不見五停四念至世第一法聞
故名知未證故非見辟支佛不聞故非知自然證故
是見四果聞故亦是知證故亦是見傳傳判麤妙可
解約圓教釋者七方便不聞故不知未證故不見五
品六根聞故知未證故不見發宿習者各見不從聞
故不知稟教證入者亦知亦見此節節傳爲麤妙究
竟而論前來二十種智略而言之不出權實二智如
經如來方便知見波羅蜜皆悉具足卽總束得前來
諸權智也如來知見廣大深遠卽是總束前來實智

也方便既其具足何所不該知見既其廣大深遠何所不攝境淵無邊智水莫測唯佛與佛乃能究盡如此知見卽是眼智眼卽五眼具足智卽三智一心一切種智知於實兩智知於權佛眼見於實四眼見於權此知卽是見此見卽是知對前諸智諸智是麤此之知見各之爲妙也若得知見中意不復論五眼迷者未了更約眼明麤妙如肉眼盲閉何由見色徒聞人說起種種想終非真見欲令眼開應須治膜那得閉眼執諍何益耶閉眼想則麤眼開見則妙天眼未開不見障外爲麤修禪定願智之力能發得淨色徹

障內外明闇無隔慧眼未開常行死逕假令情想亦復非實故爲麤無漏豁發故稱爲妙諦理明了故稱妙法眼未開差機說法如身子僻教滿願穢器各爲麤破障通無知分別藥病各之爲妙佛眼不開不見實相故文云二乘之人及新發心者不退菩薩所不能知故四眼皆麤除諸菩薩衆信力堅固者以信得入相似佛眼能開真佛知見乃各爲妙諸教多說四眼或帶四眼說佛眼是故爲麤今經獨說佛眼是故爲妙是爲待麤爲妙也六明開麤顯妙者前十六番智若不決了但是麤智若得決了悉成妙智何者如

妙莊嚴王先是外道世智聞法華經便得決了以邪
相入正相於諸見不動而修三十七品不捨入邪而
入入正即是決於世智得入妙智或與五品齊或與
相似齊或與分得齊節節有入義細作云若五停
方便智乃至通教佛等智若不決了即是麤智今開
權顯實汝等所行是菩薩道來入妙位須一一將十
二番智來入圓妙四智或入五品相似分得等智云
云又決了別教歷別之智入於妙智當體即是某位
進入是某位細揀云十六麤智皆成妙智無麤可
待即是絕待智妙也復次開麤眼爲妙眼者餘經雖

說爲五眼五眼不融是故爲麤今經決了四眼今入
佛眼文云父母所生眼遂得清淨學大乘者雖有肉
眼名爲佛眼即是決了肉眼名爲佛眼也淨名云世
孰有真天眼者有佛世尊不以二相見諸佛國此卽
是決了天眼卽是佛眼也願得如世尊慧眼第一淨
卽是決了慧眼能得入妙決法眼入妙者邊際智滿
是也四眼融入佛眼寂而常照故文云決了聲聞法
是諸經之王五眼具足成菩提開佛知見故稱爲妙
問佛眼開乃名爲妙六根雖淨云何爲妙答佛眼雖
未開已能圓學圓信如迦陵頻伽鳥雖在聒中音聲

已勝諸鳥卽是假名相似等妙若開卽是分妙究竟
 妙云云二對境明智又二一對五境二展轉相照對境
 初應對十如境此旣一經之意處處說之可解故不
 復釋次對四種十二因緣明智者大經云十二因緣
 有四種觀下智觀故得聲聞菩提中智觀故得緣覺
 菩提上智觀故得菩薩菩提上上智觀故得佛菩提
 何者十二因緣本是一境緣解不同開成四種今以
 四教意釋之三藏具有三人而皆以析智觀界內十
 二因緣事爲初門然析智淺弱三人之中聲聞最劣
 以劣人標淺法故名下智通教亦有三人同以體智

觀界內十二因緣理體法雖深望藏爲巧望別未巧
 三人之中緣覺是中以中人名通法故言中智別教
 佛與菩薩俱知界外十二因緣事次第菩薩比佛猶
 未是上比於通藏則是上法故以上智當名也圓教
 佛與菩薩俱觀界外十二因緣理初心卽事而中此
 法最勝故以佛當名故言上上智觀也以四教釋四
 觀於義允合云云所言下智觀者觀受由觸觸由入
 由名色名色由識識由行行由無明無明顛倒不善
 思惟致不善行感四趣識名色等若善思惟致善行
 感人天識名色等觀此無明念念無常前後不住所

法華玄義卷三
生善惡遷變速朽所受名色衰損代謝煩惱業苦更互因緣都無暫停過去二因現在五果現在三因未來二果三世迴復猶若車輪癡惑之本既無常苦空無我則無明滅無明滅故諸行滅乃至老歿滅若不然火是則無煙是名子縛斷無子則無果滅智灰身離二十五有是名果縛斷則是下智觀十二因緣得聲聞菩提也中智者觀受由觸乃至行由無明無明祇是一念癡心心無形質但有名字內外中間求字不得是字不住亦不住猶如幻化虛誑眼目無明體相本自不有妄想因緣和合而生無所有故假名

無明不善思惟心行所造以不達無明如幻化故起善不善思惟則有善不善行受善不善名色觸受今達無明如幻故則諸行亦如幻從幻生識名色等皆如幻愛取有生三世輪轉幻化遷改都無真實有智之人不應於中而生愛恚無明既不可得則無明不生不生則不滅諸行老歿亦不生不滅不生故則非新不滅故則非故非故者無故可畢非新者無新可造無新者子縛斷無故者果縛斷是名中智觀十二因緣得緣覺菩提上智觀者觀受由觸乃至行由無明無明祇是癡一念心心癡故派出煩惱由煩惱派

出諸業由業派出諸苦觀此煩惱種別不同不同故業不同業不同故苦不同諸行若干各色各異種種三道無量無邊分別不濫知因此煩惱起此業得此苦不關彼業及彼煩惱如是三道覆障三德破障方便亦復無量無明若破顯出般若業破顯出解脫識名色破顯出法身愛取有老死亦復如是自既解已復能化他於一切種知一切法起道種智導利衆生是名上智觀十二因緣也上上智觀者觀受由觸乃至行由無明知十二支三道卽是三德豈可斷破三德更求三德則壞諸法相煩惱道卽般若當知煩惱

不聞般若卽煩惱般若不明煩惱旣不聞何須更斷般若不明何所能破聞本非聞不須於明如耆婆執毒成藥豈可捨此取彼業道卽是解脫者當知業道非縛解脫卽業者脫非自在業非縛故何所可離脫非自在何所可得如神通人豈避此就彼取苦道卽法身者當知苦非生歿法身卽生死法身非樂苦非生歿何所可憂法身非樂何所可喜如彼虛空無得無失不忻不戚如是觀者三道不異三德三德不異三道亦於三道具一切佛法何者三道卽三德三德是大涅槃名祕密藏此卽具佛果深觀十二因緣卽

是坐道場此卽具佛因佛果皆悉具足餘例可知是各上上智觀十二因緣得佛菩提約此應判麤妙開麤顯妙意可解故不委記耳又四智照四境界若不轉其智則麤四境轉成妙境麤智卽成妙智仍是待絕之意云二對四種四諦明智者大經云知聖諦智則有二種中智上智中智者聲聞緣覺上智者諸佛菩薩若依此文束於體析合稱爲中束大乘利鈍合稱爲上今若約根緣利鈍內外事理開卽成四聲聞根鈍緣四諦事卽生滅四諦智緣覺根利緣四諦理卽無生四諦智菩薩智淺緣不思議事卽無

量四諦智諸佛智深緣不思議理卽無作四諦智也此乃大經之一文又云凡夫有苦無諦聲聞有苦有苦諦凡夫不見苦理故言無諦聲聞能見無常苦空故言有諦卽是生滅四諦智也又云菩薩之人解苦無苦而有真諦卽是體苦非苦故言無苦卽事而真故言有諦乃是摩訶衍門無生四諦智也又云知諸陰是苦知諸入爲門亦各爲苦知諸界爲分亦各爲性亦各爲知是名中智依前說者卽屬聲聞也分別諸苦諸入界等有無量相我於彼經竟不說之是各上智受想行識亦復如是非諸聲聞緣覺境界此則

異前兩意既稱上智又非二乘境界豈非別教菩薩
觀恒沙佛法如來藏理耶是為無量四諦智又云如
來非苦非集非滅非道非諦是實虛空非苦非諦是
實非苦者非虛妄生死非諦者非二乘涅槃是實者
即是實相中道佛性也又云有苦有苦因有苦盡有
苦對如來非苦乃至非對是故為實如此明義既異
上三番豈非無作四諦智耶例此一諦為四餘三亦
應爾謂有集有集果有集盡有集對有盡有盡因有
盡障有盡障相有對有對果有對障有對障相如來
非此四四十六種但是於實云如是等智觀於四

諦諦既未融智諦皆麤獨有非苦非對有實為妙若
諦圓智亦隨圓皆是如來非苦非諦是實之妙智也
此即待絕兩意云云權實二智也上真俗二諦既開
七種今權實二智亦為七番內外相即不相即四也
三相接合七也若對上數之析法權實二智體法二
智體去合中二智體去顯中二智別二智別合圓二

苦對如來非苦乃至非對是故為實如此明義既對
 三番豈非無作四諦智耶例此一諦為四餘三亦
 此唯非對兩意法華玄義卷第三云有集盡有集對有盡有盡因有
 諦圓智亦圓圓音長吹來非苦非諦表實之妙智也
 諦諦智未顯皆智皆顯圓音非苦非諦亦實為妙智

妙法蓮華經玄義卷第三下

天台 智者 大師說

三對二諦境明智者權實二智也上真俗二諦既開
 七種今權實二智亦為七番內外相即不相即四也
 三相接合七也若對上數之析法權實二智體法二
 智體法合中二智體法顯中二智別二智別合圓二
 智圓二智上七番各開隨情隨智隨智合二十一
 種諦今七番二智亦各開三種謂化他權實自行化
 他權實自行權實合二十一權實也若析法權實二
 智者照森羅分別為權智盡森羅分別為實智說此

法華三
二智逗種種緣作種種說隨種種欲種種宜種種治
種種悟各隨堪任當緣分別雖復種種悉爲析法權
實所攝故有化他二智化他二智隨緣之說皆束爲
權智若內自證得若權若實俱是實證束爲實智內
外相望共爲二智故有自行化他權實二智也就自
證權實唯獨明了餘人不見更判權實故有自行二
智也今更約三藏重分別之此佛化二乘人多用化
他實智二乘稟此化他之實修成自行之實故佛印
迦葉云我之與汝俱坐解脫牀卽此義也若化菩薩
多用化他權智其稟化他之權修學得成自行之權

佛亦印言我亦如汝

云此三種二智若望體法二

智悉皆是權故龍樹破云豈有不淨心中修菩提道
猶如毒器不任貯食食則殺人此正破析法意也故
皆是權

云體法權實二智者體森羅之色卽是於

空卽色是權智卽空是實智大品云卽色是空非色
滅空正是此義爲緣說二緣別不同說亦種種雖復
異說悉爲化他權實所攝故有化他二智化他二智
旣是隨情皆束爲權內證權實旣是自證悉名爲實
以自之實對他之權故有自行化他二智也就自證
得又分權實故有自行二智也此三二智望舍中二

法華經疏卷第三
智復皆名權何者無中道故云體法合中權實二智者體色卽空不空照色是權智空不空是實智說此二智赴無量緣隨情異說雖復無量悉是合中二智所攝故有化他二智化他二智本是逗機皆名爲權自證二智皆名爲實於自證二智更分權實故有自行二智此三二智望顯中二智悉皆是權何者帶於空真及教道方便故又體法顯中權實二智者體色卽空不空一切法趣空不空了色是權智空不空一切法趣空不空是實智爲緣說二緣旣無量說亦無量無量之說悉爲顯中二智所攝故有化他二智

化他二智旣是隨緣悉名爲權自證二智旣是證得悉名爲實以自望他故有自行化他二智就自證二智更分權實此三二智望別權實二智悉皆是權何者帶卽空及教道方便故別權實二智者體色卽空不空色空俱是權智不空是實智以此二智隨百千緣種種分別別雖多悉爲次第二智所攝故有化他二智化他二智悉是爲緣皆名爲權自證二智旣是證得悉名爲實以自對他故有自行化他二智就自證二智更分權實此三二智望別含圓二智悉復是權何者以次第故帶教道故別含圓權

實二智者色空不空一切法麴不空色空名權智一切法
麴不空爲實智以此二智隨百千緣種種分別分別
雖多悉爲別含圓二智所攝故有化他二智化他二
智既是爲緣悉皆是權自證二智既是證得悉名爲
實自他相望共爲二智就自證得更分權實故有自
行二智此三二智望圓二智悉復是權何者帶次第
及教道故圓權實二智者卽色是空不空一切法麴
色麴空麴不空一切法麴色麴空是權智一切法麴
不空是實智如此實智卽是權智權智卽實智無二
無別爲化衆生種種隨緣隨欲隨宜隨治隨悟雖種

種說悉爲圓二智所攝故有化他二智化他二智既
是隨情悉復是權自證二智悉名爲實就自證中更
分二智故有三種不同也此之二智不帶析法等十
八種二智方便唯有真權真實名佛權實如經如來
知見廣大深遠方便波羅蜜皆悉具足獨稱爲妙待
前爲麴又從析法二智至顯中二智凡十二種二智
待前皆名爲麴顯中爲妙何以故此妙不異後妙故
又從次第二智凡九種二智待前爲麴不次第爲妙
又前十八種二智皆麴唯不次第三種爲妙又不次
第二種爲麴一種爲妙又歷五味教者乳教具三種

九種二智酪教一種三種二智生蘇四種十二種二智熟蘇具三種九種二智此經但二種三種二智若酪教中權實皆麤醍醐教中權實皆妙餘三味中權實有麤有妙可以意推若不作如上釋諸智者經論異說意則難解何者華嚴解初住心云三世諸佛不知初住智世人釋云如實智佛自不知佛如實智亦不知初住如實智此釋自謂於理爲通其實不允若藏通等佛不論如實智云何於自如實智不知耶別教初住不得如實智云何言不知若得前來諸智意者三世三藏佛不知圓教初住智此則事理二釋俱

無滯也此中義兼二種一分別二十一種權實二待麤論妙如上說若開麤顯妙者諸方便諦旣融成妙諦對諦立智悉非復麤如賤人舍王若過者舍則莊嚴如衆流入海同一鹹味開諸麤智卽是妙智也二智多有所關須商略類通今對七種二諦明二十一種權實以爲章門若得此意約因緣境亦應如此謂析因緣智體因緣智舍中因緣智顯中因緣智次第因緣智帶次第因緣智不次第因緣智一一各有化他自行化他自行等三種分別合有二十一種分別麤妙判五味多少論待絕等四諦三諦一諦等亦應如

是當自思之何煩具記也問隨情諦及化他智何意無量隨智諦及自行智何意不多答祇約一人未得道時見心橫起邪執無窮何況多人種種各異爲是義故隨情則多智見於理理唯一種不得有異云云夫二諦差別已如上說說此七權實二十一權實頗用世人所執義不頗同世人所說語不頗用諸論所立義不既不從世人亦不從文疏特是推大小乘經作此釋耳若破若立皆是法華之意若巧拙相形以通經二智破三藏經二智乃至次第不次第相形以圓經二智破別經二智方便諸經明智既麤通經之

論豈得爲妙經論既爾弘經論人何勞擊射任其所說自有所墮若作生滅解權實者墮在初番若作不生不滅解者墮第二番乃至第七番亦可知又縱廣引經論莊嚴已義者亦不得出初番隨情二諦化他權實況出初番第二第三權實尚不出初番三種權實況第七番三種權實若但以初番二智破一切世間情執略盡假令得入化城祇是自行實智尚不得化他之權何況能得後番諸智若尋二十一種二智凡破幾外見凡破幾權經論復顯幾是立幾權經論然後方稱妙權妙實世人全不識一兩種權實之意

而情中卽計爲智若是智者破何惑見何理未見理未破惑生歟浩然非情何謂今若待前諸麤智而明妙智者法華破待之意也若其會者一切權經論所明諦理皆成妙理無非智地會一切權經論所明二智無非妙智悉是大車如此破會深廣莫以中論相比可熟思之云四對三諦明智者上明五三諦竟今更分別夫三智照十法界束十爲三謂有漏無漏非有漏非無漏三法相入分別有五初謂非漏非無漏入無漏對漏無漏爲三法二謂一切法入無漏對漏無漏爲三法三謂漏無漏非漏非無漏爲三法四

謂一切法趣非漏非無漏對漏無漏爲三法五謂一切法趣漏趣無漏趣非漏非無漏爲三法更說五境竟對此五境明五三智者謂一切智道種智一切種智三智相入五種不同一中智入空智對道智爲三次如來藏智入空智對道智爲三次中智對兩爲三智次如來藏智入中智對兩智爲三智次圓三智是爲五差中智入空智分別爲三智者初依無漏發一切智次依有漏發道種智後深觀無漏之空知空亦空發一切種智然初心不知空空次雖得空亦不空空後能深觀於空空於前空但二空名同二境亦合

故言相入今若分別以無漏空爲一切智有漏空爲道種智中道空爲一切種智世人採經論意云六地斷惑與羅漢齊七地修方便道八地道觀雙流破無明成佛卽此意也如來藏智入空智分別三智者依漏無漏發一切智道種智不異前而後不因別境更脩中智但深觀空能見不空不空卽如來藏藏與空合故言相入以深觀空見不空故發一切種智前中道智但顯別理理之與智不具諸法藏理藏智具一切法故異於前以藏智對兩智爲三智也大經云聲聞之人但見於空不見不空智者見空及與不空大

品云一切智是聲聞智道種智是菩薩智一切種智是佛智卽此意也中智對兩成三智者各緣一境各發一智次第深淺不相濫入故地持云種性菩薩發心欲除二障有佛無佛決定能次第斷諸煩惱卽此意也如來藏智入中智爲三智者兩智不異前一切種智小異何者前明中境直中理而已欲顯此理應修萬行顯理之智故名一切種智耳今如來藏理含一切法非直顯理之智各一切種智與前爲異用此智對前爲三智也故地論師云緣修顯真修真修發時不須緣修前兩智卽是緣修後智發時卽是真修

直修具一切法不須餘也卽是此義云圓三智者有漏卽是因緣生法卽空卽假卽中無漏亦卽假卽中非漏非無漏亦卽空卽假一法卽三法三法卽一法一智卽三智三智卽一智智卽是境界卽是智融通無礙如此三智豈同於前釋論云三智一心心得無前無後爲向人說令易解故作三智各說耳卽是此意云若欲顯智要須觀成汎論觀智俱通因果別則觀因智果例如佛性通於因果別則因名佛性果名涅槃今就別義以觀爲因成於智果如纓絡云從假入空各二諦觀從空入假各平等觀二觀爲方

便道得入中道第一義諦觀今用從假入空觀爲因得成於果各一切智用從空入假觀爲因得成道種智果用中觀爲因得成一切種智果也上明於智略有五種今以觀成亦應五種細作可知修觀義如止觀云言麤妙者藏通兩佛雖有一切種智之名更無別理不破別惑此智不成故不用也中入空智者雖說中道因於通門而成兩智後照中道無廣大用因於拙教果又不融是故爲麤次如來藏入空智者教果理雖融因是通門亦名爲麤中對二智者雖不因通而三智別異果教未融是故爲麤如來藏入中

法華之義卷三
者在果雖融因是別門此因亦麤圓三智者因圓果
圓因妙果妙諦妙智妙正直捨方便但說無上道是
故爲妙智也若歷五味教者乳教有三種三智酪教
一種三智生蘇具五種三智熟蘇亦具五種三智麤
妙可知法華但一種三智此是法華破意卽相待妙
也開麤明妙者世智無道法尚以邪相入正相治生
產業皆與實相不相違背伍頭舉手開麤顯妙悉成
佛道何況三乘出世之智故大經云聲聞緣覺亦實
亦虛斷煩惱故名之爲實非常住故名之爲虛凡夫
未斷煩惱無實唯虛尚開麤入妙卽是大乘何況二

乘之智二乘之智根敗心死尚得還生何況道種之
智如此開時一切都妙無非實相七寶大車其數無
量此是法華會意卽絕待妙也五對一諦明智者卽
是如實智也釋論云諸水入海同一鹹味諸智入如
實智失本名字故知如實智總攝一切智純照一境
故總衆水俱成一鹹也若待十智爲麤如實智爲妙
若待諸實智諸實智名麤中道如實智名妙若開麤
顯妙者非但諸實智爲妙十智亦名妙云無諦無
說者旣言無諦亦復無智若歷諸處明無諦者餘方
便無諦無智爲麤中道無諦無智爲妙若以杜口絕

言無諦無智者亦無麤無妙無待無絕歷一切法皆無麤無妙也二展轉相照者六番之智傳照前諸境思議因緣下智中智照六道十如性相等下中二智觀十二因緣滅者照二乘十如性相等上智照菩薩性相本末等上上智照佛法界性相本末等四種四諦智照十法界者生滅無生等苦集智照六道十如相性生滅無生道滅智卽是照二乘十如相性無量無作苦集智照菩薩界性相等無量無作道滅智照佛法界相性本末等四種四諦智照四十二因緣者生滅無生苦集智照思議兩十二因緣也生滅無生

滅兩道滅智是照兩思議十二因緣滅也無量無作兩苦集智照不思議兩十二因緣也無量無作道滅智照不思議兩十二因緣滅也七種二智照十法界者生滅無生滅兩權智及入通等二合四權智照六道性相生滅無生滅兩實智照二乘性相等別權圓入別權有邊是照六道性相無邊是照二乘性相圓權則通照九界性相別入通實空邊是二乘性相不空邊是菩薩性相圓入通實空邊是二乘性相不空邊是照佛界相性別實是照菩薩性相圓入別實圓實俱照佛法界相性也七種二智照四種因緣者

法華義疏卷三十一
前四權是照思議兩十二緣別權圓入別權有邊是
照兩思議十二緣無邊是照兩十二緣滅圓權則通
云別入通實空邊是照思議十二緣滅不空邊是
照不思議十二緣圓入通實空邊同上不空邊是照
不思議十二緣滅別實照不思議兩十二緣滅圓實
照兩不思議十二緣滅等前四種權智是照生滅無
生滅兩苦集又三權智照無量無作苦集二實智是
照思議兩道滅又五實智是照不思議兩道滅五種
三智照十法界者五種道種智照六道性相本末等
五種一切智照二乘菩薩性相本末等五種一切種

智照佛法界十如相性等又五種三智照四種十二
因緣者五種有智照思議兩十二緣五種一切智照
兩思議十二緣滅又是照不思議十二緣五一切種
智是照兩不思議十二緣滅五種三智照四種四諦
者五道種智照生滅無生兩苦集五種一切智照生
滅無生兩道滅亦是照無量無作兩苦集五種一切
種智是照無量無作兩道滅五種三智照七種二諦
者五道種智是照四種俗諦五種一切智是照兩種
真諦亦是照別圓入別圓三種俗諦五種一切種智
是照五種真諦一如實智是照佛界十如性相又是

法華之義卷第三
照不思議十二因緣又是照無作四諦又是照五種
真諦又是照五種中道第一義諦無諦無說與十相
性如合與不思議十二緣滅合與四種不生不生合
與真諦無言說合與中道非生死非涅槃合如此等
諸智傳傳照諦諦若融智卽融智諦融名之爲妙如
此等皆是方便說言稱妙不妙見理之時無復權實
非權非實亦無妙與不妙是故稱妙也七種二諦五
種三諦更相間入餘諸境亦有此意七種二智五種
三智既相間入者餘諸智亦有此意例自可作云
○第三行妙者爲二一通途增數行二約教增數行云

夫行名進趣非智不前智解導行非境不正智目行
足到清涼池而解是行本行能成智故行滿而智圓
智能顯理窮則智息如此相須者則非妙行妙行
者一行一切行如經本從無數佛具足行諸道又云
無量諸佛所而行深妙道又云盡行諸佛所有道法
既具復深又盡具卽是廣深卽是高盡卽究竟此之
妙行與前境智一而論三三而論一前境說如法相
法相亦具三名祕藏前智是如法相解解亦具三
如面上三目今行是所行如所說行亦具三名伊字
三點若三若一皆無缺減故稱妙行耳前對境明智

今亦應對智明行若直對一種智增數明行則行若塵沙說不可盡況對諸智各導衆行則浩若虛空得意亾言不復可說釋論云菩薩行般若時以一法爲行攝一切行或無量一法爲行攝一切行或二法爲行攝一切行或無量二法爲行攝一切行乃至十法百法千萬億法爲行攝一切行或無量十法百千萬億法爲行攝一切行行雖衆多以智爲本智如導主行若商人智如利針行如長線智御行牛車則安隱能有所至用此增數諸行爲前十如諦智所導乃至一實諦智所導若得此意以正智導衆行入正境中

此義唯可懸知不可載記云二約教增數者若三藏增數明行如阿含中佛告比丘當修一行我證汝等四沙門果謂心不放逸若能護心不放逸行廣演廣布則所作已辦能得涅槃又告比丘當修一行謂他物莫取比丘白佛我已知已佛言汝云何知比丘白佛他物謂色聲香味觸法佛言善哉若能不取此六卽所作已辦能得涅槃所言廣演廣布者以不放逸心歷一切法謂三界六塵皆不放逸得至涅槃增二數明行者阿含云阿練若比丘當修二法爲行謂修止修觀若修止時卽能休息諸惡戒律威儀諸行

禁戒悉皆不失成諸功德若修觀時即能觀苦如實
 知之觀苦集苦盡苦出要如實知之得盡漏不受後
 有怛薩阿竭亦如是修增三數明行者謂戒定慧此
 三是出世梯登佛法軌儀戒經云諸惡莫作諸善奉
 行自淨其意是諸佛教諸惡即七支過罪輕重非違
 五部律廣明其相如是等惡戒所防止諸善者善三
 業若散若靜前後方便支林功德悉是清升故稱為
 善自淨其意者即是破諸邪倒了知世間出世間因
 果正助法門能消除心垢淨諸瑕穢豈過於慧佛法
 曠海此三攝盡若得此意四五六七乃至百千萬億

法為行攝一切行亦如是是各下智導行也通教增
 數行者不定部帙判通教但取三乘共學法門指此
 為通耳今且引釋論增數以示其相論云菩薩行般
 若時雖知諸法一相亦能知一切法種種相雖知諸
 法種種相亦能知一切法一相云何觀一切法一相
 所謂觀一切法無相如四大各各不相離地中有水
 火風但地多以地為各水火風亦如是今觀無此異
 相若火中有三大三大應併熱若三大在火中三大
 遂不熱則不名火若三大併熱則三大捨自性皆各
 為火無復三大若言有三大而細不可知此與無何

法華玄義卷三十一
五
異若麤可得則知有細若無麤細亦無如是則火中
諸相不可得一切法相亦不可得是故一切法皆一
相此以一相破異相復以無相破一相無相亦自滅
如前火木然諸薪已亦復自燒是爲觀一切法一相
一相無相如是無量一切法悉皆一相一相無相或
二法爲行攝一切行乃至百法千萬億法爲行攝一
切行可以意推不復繁記別教增數行者如善財入
法界中說於一善知識所各聞一法爲行或如幻三
昧或投巖赴火筭砂相歷發菩提心等種種一行皆
云佛法如海我唯知此一法門餘非所知乃至一百

一十善知識一一法門皆是是一一行皆破無明
入深境界若二法三法百千萬億等法亦應如是云
云圓教增數行者如文殊問經明菩薩修一行三昧
當於靜室結跏趺坐繫緣法界一念法界一切無明
顛倒永寂如空此之一行卽是一切無礙人一道出
生死一切諸法中皆以等觀入解慧心寂然三界無
倫匹此乃一行攝一切行增二法爲行攝一切行所
謂止觀增三法爲行攝一切行謂聞思修戒定慧增
四法爲行攝一切行謂四念處增五法爲行攝一切
行謂五門禪增六法爲行攝一切行謂六波羅蜜增

七法爲行攝一切行謂七善法增八法爲行攝一切行謂八正道增九法爲行攝一切行謂九種大禪增十數爲行攝一切行謂十境界或十觀成乘等增百數千萬億數阿僧祇不可說法門爲行豈可具載若得其意例可解然增數明行爲行不同須判麤妙若三藏增數諸行以生滅智導但期出苦止息化城是故爲麤通教增數諸行體智雖巧但導出苦灰斷是同別教增數諸行智導則遠自淺階深而諸行隔別事理不融是故爲麤圓教增數諸行行融智圓是故爲妙今經屬圓增數如觀經云於三七日一心精進

此就一法論行妙若行若坐思惟此經此就二法論行妙若聞是經思惟修習善行菩薩道此就三法論行妙四安樂行此就四法論行妙五品弟子此就五法論行妙六根清淨此就六法論行妙如是等待麤論妙也開麤論妙者匠頭舉手積土弄砂皆成佛道雖說種種法其實爲一乘諸行皆妙無麤可待待卽絕矣復次約五數明行妙者又爲二先明別五行次明圓五行別者如涅槃云五種之行謂聖行梵行天行嬰兒行病行聖行有三戒定慧如經菩薩若聞大涅槃聞已生信作是思惟諸佛世尊有無上道有大

正法大衆正行從此立行若聞大涅槃卽是信果亦是信滅有無上道已去是信顯果之行無上道是信慧有大正法是信定大衆正行是信戒是名信因信道自傷已身及諸衆生破戒造罪失人天樂及涅槃樂卽是知集往來生歿受惡道報卽是知苦苦集與戒定慧相違卽無道無道故不得涅槃則無滅菩薩欲拔苦集而起大悲興兩誓願欲與道滅而起大慈興兩誓願發誓願已次則修行思惟在家逼迫猶如牢獄不得盡壽淨修梵行出家閑曠猶若虛空卽棄家捨欲白四羯磨持性重戒息世譏嫌等無差別不

爲愛見羅刹毀戒浮囊如止觀中說因是持戒具足根本業清淨戒前後眷屬清淨戒非諸惡覺覺清淨戒護持正念念清淨戒迴向具足無上道戒根本者十善性戒衆戒根本爲無漏心持故言清淨前後眷屬餘清淨戒者偷蘭遮等是前眷屬十三等是後眷屬餘者非律藏所出結諸經所制者如方等二十四戒之流名爲餘戒也此兩支屬律儀作法受得之戒也後三支非作法是得法得法時乃發斯戒也非諸惡覺覺清淨戒者卽定共也尸羅不清淨三昧不現前以戒淨故事障除發得未來性障除發得根本

滅惡覺觀各定共戒也護持正念念清淨戒者卽四
念處觀理正念雖未發真由相似念能發真道成道
共戒故名正念念清淨戒復次定共戒依定心發屬
止善義道共戒依分別心發屬行善義動不動俱是
毗尼何者戒論防止得定共心不復起惡得道共發
真永無過罪故俱是戒也迴向具足無上道戒者卽
是菩薩於諸戒中具四弘六度發願要心迴向菩提
故名大乘戒弘誓如前說六度者厭惡出家捨於所
愛卽是檀繼毫不犯拒逆羅刹卽是尸能檢節身心
安忍打罵各生忍耐入風寒熱貪恚等各法忍愛見

不能損卽是羸提守護於戒犯心不起卽是精進決
志持戒不爲狐疑所誑專心不動名爲禪明識因果
知戒是正順解脫之本出生一切三乘聖人非六十
二見雞狗等戒名爲般若又別發願要制已心寧以
此身臥於熱鐵不以破戒受他牀席十二誓願自制
其心又更發願願一切衆生得護持禁戒得清淨戒
善戒不缺戒不析戒大乘戒不退戒隨順戒畢竟戒
具足諸波羅蜜戒以此十願防護衆生菩薩一持戒
心若干願行以莊嚴戒諸餘行心亦應如是然護他
十戒從自行五支中出從根本眷屬兩支出禁戒清

淨戒善戒何者篇聚作法卽是禁戒禁戒若發無作
乃名清淨清淨卽止善而言善戒卽是行善也從非
惡覺覺清淨戒開出不缺戒何者雖防護七支妄念
數起致有缺漏若發未來禪事行不缺得根本禪性
行不缺從護持正念念清淨戒開出不析戒卽道共
戒也減色入空是析法道共今體法入空故名不析
又內有道共則戒品牢固不可破析也從迴向具足
無上道戒開出大乘不退隨順畢竟具足波羅蜜戒
言大乘者菩薩持性重譏嫌等無差別自求佛道性
重則急爲化衆生譏嫌則急小乘自調性重則急不

度他故譏嫌則寬菩薩具持兩種故名大乘戒不退
者行於非道善巧方便姪舍酒家非法之處輒以度
人而於禁戒無有退失如醫療病不爲病所汙故名
不退隨順者隨物機宜隨順道理故名隨順戒畢竟
者豎究竟無上之法也具足波羅蜜者橫一切圓滿
無法不備也大論亦明十種戒不破不缺不穿不雜
四種卽是大經根本支中禁戒清淨戒善戒不缺戒
論隨道戒卽是大經護持正念支中不析戒也論無
著戒卽是大經迴向支中不退戒論智所讚戒卽是
大經大乘戒論自在戒卽是大經自在戒論隨定戒

法華玄義卷三
卽是大經隨順戒論具足戒卽是大經波羅蜜戒大
經明異竟論言隨定此大同小異於義無失涅槃欲
辨菩薩次第聖行故具列諸戒淺深始終具足善能
護持卽入初不動地不動不退不墮不散是名戒聖
行戒聖行既從始淺以至於深今仍判其麤妙禁淨
善三戒屬律儀律儀通攝衆故定尊卑位次緒雖有
菩薩佛等不別立衆故戒法是同但以佛菩提心爲
異耳故知律儀等三戒三藏攝不缺是定共根本禪
是事亦屬三藏攝是故爲麤不析戒是體法道共卽
通教攝大乘不退等別教攝亦兼於通通有出假隨

機順理於道不退然依真諦不及別人別人爲妙也
隨順畢竟具足等圓教攝不起滅定現諸威儀不捨
道法現凡夫事故各隨順唯佛一人具淨戒餘人皆
名汙戒者故名畢竟戒戒是法界具一切佛法衆生
法到尸破入故名具足波羅蜜戒淨名云其能如是
是名奉律是名善解此經云我等長夜持佛淨戒法
王法中久修梵行始於今日得其果報又羅喉羅密
行唯我能知之豈非待前諸戒皆麤唯圓爲妙也復
次持初戒如乳中間如三味後戒如醍醐醍醐爲妙
云
云 開麤顯妙者他云梵網是菩薩戒今問是何等

法華玄義卷三
菩薩戒彼若荅言是藏通等菩薩戒者應別有菩薩
衆衆旣不別戒何得異又若別明菩薩戒何等別是
緣覺戒今明三藏三乘無別衆不得別有菩薩緣覺
之戒也若作別圓菩薩解者可然何者三乘共衆外
別有菩薩故別有戒問三乘衆外別有菩薩戒者緣
覺戒云何荅三乘衆外無別緣覺此說猶是待麤之
戒耳開麤者毗尼學者卽大乘學式又式卽是大
乘第一義光非青非黃非赤白三歸五戒十善二百
五十皆是摩訶衍豈有麤戒隔於妙戒戒卽妙人
亦復然汝實我子卽此義也是名絕待妙戒

玄義卷三下終

妙法蓮華經玄義卷第四上

天台 智者 大師說

定聖行者略爲三一世間禪二出世禪三上上禪世
禪復二一根本味禪隱沒有垢無記二根本淨禪不
隱沒無垢有記根本者世出世法之根本也大品云
諸佛成道轉法輪入涅槃悉在禪中若能深觀根本
出生勝妙上定故稱根本也隱沒者闇證無觀慧也
有垢者地地生愛味也無記者境界不分明也此有
三品謂禪也等也空也卽十二門禪也初修方便當
善簡風喘明識正息安徐記數莫令增減若數微細

善解轉緣調停得所當證前方便法或麤細住皆有持身法起進得欲界定或未到定入觸發動五支成就是發初禪大論云已得離婬火則獲清涼定如人大熱悶入冷池則樂云若欲進上離下者凡夫依六行觀佛弟子多修入聖種行者於初禪覺觀支中厭離覺觀以初禪為苦麤障二法動亂定心故苦從二法生喜樂故麤二法翳上定故障二禪異此各勝妙出總而言之一知過不受著二訶責三析破得離初禪是修二禪相善巧攀厭則內外皎然與喜俱發四支成就故論云是故除覺觀得入一識處內心清

淨故定生得喜樂云二禪中既離覺觀不得作方便出定時修習厭下進上亦有六行如棄初禪方法

云爾時泯然不依內外與樂俱發五支成就故論云由愛故有苦失喜則生憂離苦樂身安捨念及方便云欲厭下進上亦有六行如前云善修故心

豁開明出入息斷與捨俱發空明寂靜四支成就若能知樂患見不動大安憂喜先已除苦樂今亦斷云

云行人既內證四禪欲外修福德應學四等此有通修別修通修者大論云是慈在色界四禪中間得脩

此語則通別修者初禪有覺觀分別修悲則易喜支

法華玄義卷四
修喜易樂支修慈易一心支修捨易復次初禪修悲
易二禪修喜易三禪修慈易四禪修捨易此則修四
無量定之處所也復次修時緣前人離苦得樂歡喜
平等之相而入定發時內得喜樂平等之法外見前
人離苦得樂或內得外不見或外見內不得分別邪
正云云行人欲出色籠修四空定滅色存心心相依
故各四空方便者須訶色是苦本飢渴寒熱色爲苦
聚讚空爲淨妙離諸逼迫過一切色與空定相應不
苦不樂倍更增長於深定中唯見虛空無諸色相心
無分散復次得空定故出過色界故名過一切色相

空法持心種種諸色不得起故名滅有對相已得空
定決定能捨色法不憶戀故名不念種種色相云云

訶下攀上皆有方便委在禪門云云

根本味禪竟根云云

本淨禪不隱沒無垢有記與上相違此又三品謂六
妙門十六特勝通明等也涅槃是妙此六能通故言
六妙門此三法爲三根性慧性多爲說六妙門此一
一門於欲界中卽能發無漏若定性多爲說十六特
勝故下地不發無漏上地禪滿乃能得悟定慧性等
爲說通明通明觀慧深細從下至上皆能發無漏此
是隨機之說若作對治則復別途云云若廣明修習

則攝一切諸禪今但次第相生一轍豎意修此六門
修證合論則有十二法佛言遊止三四出生十二卽
此修數證數乃至修淨證淨修數者行人初調和氣
息不澀不滑安詳徐數從一至十攝心在數不令馳
散是名修數與數相應者覺心任運從一至十不加
功用心自住數息微心細是名證數若患數麤當放
數修隨乃至淨亦各如是然觀有三義一慧觀觀
真二得解觀卽假想觀三實觀此中初用實觀後用
慧觀修實觀者於定心中以心眼諦觀此身細微入
出息相如空中風皮肉筋骨三十六物如芭蕉不實

內外不淨甚可厭惡復觀定中喜樂等受悉有破壞
之相是苦非樂又觀定中心識無常剎那不住無可
著處復觀定中善惡等法悉屬因緣皆無自性如是
觀時能破四倒不得人我定何所依是名修觀如是
修時覺息出入徧諸毛孔心眼開明徹見身內三十
六物及諸蟲戶內外不淨衆苦逼迫剎那變易一切
諸法悉見無自性心生悲喜無所依倚得四念處破
四顛倒是名與觀相應不能具記云佛坐樹下內
思安般一數二隨等正是此禪十六特勝者釋名云
云此從因緣得名修相者知息入知息出者此代數

息調息綿細一心隨息入時知從鼻至脰出時知從脰至鼻隨照不亂知風喘氣爲麤知息爲細入麤卽調令細如守門人知入知出惡遮好進澀滑輕重冷煖久近難易皆知知息爲命所依一息不還卽便命盡覺息與命危脆無常不生愛慢知息非我卽不生見若知息長短對欲界定知息徧身對未到地除諸身行對初禪覺觀支受喜對喜支受樂對樂支受諸心行對一心支心作喜卽喜俱禪心作攝卽二禪一心支心作解脫卽三禪樂觀無常卽四禪不動觀出散卽空處觀離欲卽識處觀滅卽對無所有處觀棄

捨對非想非非想處觀棄捨時卽便獲得三乘涅槃若橫論觀慧卽對四念處云通明禪者行者觀息色心三事無分別諦觀出入息入無積聚出無分散來無所經去無履涉如空中風性無所有息本依身身本不有先世妄想招今四大圍於虛空假名爲身頭等六分三十六物四微一一非身觀身由心心由緣起生滅迅速不見住處相貌但有名字名字亦空如是觀息色心不得三性別異旣不得三事卽不得一切法此是修相證者內證真諦空如觀解次第通達此身色息分明亦知世間天文地理與身相應能

法華玄義卷四
具三界禪定能知非想有細煩惱破惑發真得三乘
涅槃委在禪門世間禪竟二明出世間禪者卽有四
種謂觀練熏修觀者謂九想八背捨八勝處十一切
處通稱觀禪行人爲破婬火必須增想純熟隨所觀
時與定相應想定持心心無分散能除世間貪愛破
六種欲有人著赤白黃黑等色或著相貌端嚴或著
威儀姿態或著語言嬌媚或著細滑肌體或著可意
之人此六欲淵沈沒行者能修九想除此六賊死想
破威儀言語兩欲脹想壞想噉想破形貌欲血塗想
青瘀想膿爛想破色欲骨想燒想破細滑欲九想通

除所著人欲又噉想散想除著意人此九既除於欲
亦薄嗔癡九十八使山動雖是不淨初門能成大事
如海中屍依之得度云八背捨名云背淨潔五
欲捨離著心故名背捨修者行人持戒清淨發大誓
願欲成大事端身正心諦觀足大指想如大豆黑脹
皺起此想成時更進如狸豆大更如一指大更如雞
卵大次二指三四五指次觀跌底踵踝蹲膝胫臍悉
見臁脹次觀右腳亦如是復當想大小便道腰脊腹
背胸脇悉見腫脹又觀右胛臂肘腕掌五指又頭頷
等從足至頭從頭至足循身觀察唯見腫脹心生厭

惡復當觀壞膿爛大小便道蟲膿流出臭劇灰狗已
身既爾觀所愛人亦復如是內破見我外破貪愛久
住觀察除世貪愛次除卻皮肉諦觀白骨見骨色相
異謂青黃白鴿如是骨相亦復無我得此觀時名欲
界定次觀骨青時見此大地東西南北悉皆青相黃
白鴿色亦復如是此是未到之相又觀骨人眉間出
光光中見佛是初背捨成相如是次第乃至八背捨
發相具如禪門云八勝處者初兩勝處位在初禪
三四兩勝處位在二禪後四勝處位在四禪三禪樂
多心鈍故不立也前背捨緣中多少不得自在是故

勝處更深細觀察少多好醜悉使勝知勝見如快馬
能破陣亦能自制其馬云十一切處者以八色兩
心更相淡入廣普徧滿轉變無礙具如禪門云練
禪者卽九次第定也上來雖得入禪入則有間今欲
純熟令從初淺極至後深次第而入中間無有垢滓
間穢令不次第者次第故各次第亦是無漏練於有
漏除諸間穢故名練禪亦是均調諸禪令定慧齊平
無間也阿毗曇明熏練但言以無漏熏四禪今以無
漏通練八地卽是次第入無間三昧也熏禪者卽師
子奮迅三昧也前是次第無間入今亦是次第無間

入亦能次第無間出除麤間及法愛味塵猶如師子
能卻能進奮諸塵土行者入出此法能徧熏諸禪悉
令通利轉變自在如熏皮熟隨意作物修禪者超越
三昧也近遠超入近遠超出近遠超住是禪功德最
深故名頂禪於諸法門自在出入云又九次第定
善入八背捨奮迅善入八背捨超越善住八背捨善
入出住百千三昧卽此意也譬如畫師五彩相淡出
無量色如世間果但以四大出一切五陰定法亦爾
但以觀練熏修出生一切神通變化無種不備大經
云菩薩住禪得堪忍地地能持能生一一禪中皆有

慈悲誓願道品六度諸行無不具足何者若於戒定
中明觀慧卽共念處單論觀是性念處通取戒定等
境智文字等是緣念處又不淨觀破淨顛倒是身念
處觀諸禪中心受苦樂三世內外受不可得破樂顛
倒是受念處觀諸禪心以有心故造作善惡無心則
無作者破我顛倒是法念處觀心生滅前後際斷破
常顛倒是心念處復次八背捨觀四念處九次第定
練四念處處奮迅熏四念處超越修四念處二乘爲自
減度修此五禪成四枯念處不名堪忍地菩薩爲化
衆生深觀念處處慈悲誓願荷負衆生成四榮念處是

摩訶衍名堪忍地也問無色無身云何具四念處答
毗曇云無色有道共戒戒是無作色以無漏緣通故
此戒色隨無漏至無色也成論人云色是無教法不
至無色舍利弗毗曇云無色有色當知小乘明義即
有兩意大經云無色界色非諸聲聞所知若爾四念
處通無色亦復何妨問諸禪中但得明念處尚無正
勤云何具道品答約位爲言念處無後品修行爲義
念處具道品也大論云初修善有漏五陰於有爲法
中得正憶念卽念處智慧也四種精進卽是正勤定
心中修名如意足五善根生名爲根根增長名爲力

分別道用名爲七覺安穩道中行名入正道初善有
漏中已能具此何須見道方有八正若念處既具三
十七品者煥頂等例然觀禪旣爾練熏修等亦然然
菩薩於一一禪中隨所入法門慈悲衆生如父母得
食不忘其子慈傷癡闇不從內自求樂從他外求耽
荒五欲求苦得怖失憂諸欲無樂爲此起悲夫欲患
如是何能去之得禪定樂則不爲所欺是故起慈有
四弘誓也又諸禪中修六度者衆生縛著世間生活
業務不能暫捨菩薩棄之一心入禪是名檀若不持
戒禪定不發又入禪時雜念不起任運無惡是尸拘

法華七義卷四
檢身口捍勞忍苦制外塵不著抑內入不起是爲忍
初中後夜繫念相續行住坐臥心常在定間念不生
是名精進一心在定不亂不昧名爲定若一心在定
能知世間生滅法相深識邪僞名般若一切衆行皆
於禪中具足一一禪中能生諸功德慈悲荷負是故
得名堪忍之地三出世間上上禪者卽九種大禪如
地持所釋今不具論自性禪者卽是觀心實性名爲
上定一切諸法頗有不由心者心攝一切如如意珠
此九大禪皆是法界一切趣禪造境卽真一色一香
無非中道二乘尚不知其名況證其定前根本舊禪

如乳練禪如酪熏禪如生蘇修禪如熟蘇九大禪如
醍醐醍醐爲妙也復次根本禪愛味心中修卽成乳
自度心中修卽成酪慈悲心中修卽成生蘇慈悲次
第心中修卽成熟蘇實相心中修卽成醍醐餘四味
亦如是若不以實相心修皆名爲麤若開麤顯妙者
阿那波那卽是摩訶衍法界實相攝持諸法離此之
外更無別妙故知諸佛成道轉法輪入涅槃皆在四
禪四禪中見實相名禪波羅蜜何況餘定耶此卽絕
待妙義定聖行竟慧聖行者謂四諦慧云生
滅四諦慧者還觀九想背捨依正兩報脰脹爛壞不

淨之色是逼迫相現相三苦相是苦諦慧以不起迷
著依正作恩愛奴運動身口起三品十惡業感三途
等生生長相轉相二十五有相又知世間因果不淨
過患深愧厭耻終不殺他活已奪彼閨身耽酒不淨
隱曲求直離合怨親間構榮辱內諂外佞引納無度
縱毒傷道邪僻失真不爲不淨作十惡業慚愧羞鄙
行三品十善感三善道生亦是生長相轉相二十五
有相是名集諦慧觀依正不淨破淨顛倒觀諸受卽
三苦破樂顛倒觀諸行和合破我顛倒觀諸心生滅
破常顛倒別相總相善巧正勤如意根力覺道向涅

槃門慈悲普願六度諸行等卽大乘相亦是戒定慧
相亦是能除相是名道諦慧倒不起則業不起業不
起卽因不起因不起故果不起是名寂滅相亦二十
五有滅相亦名除相是爲生滅四諦慧無生四諦慧
者觀不淨色色性自空非色滅空如鏡中像無有真
實洞達五受陰空無所有解苦無苦而有真諦是苦
諦慧知集由心心如幻化所起之集亦如幻化一切
愛見與虛空等是名集諦慧道本治集所治旣如幻
化能治亦如幻化是名道諦慧法若有生亦可有滅
法本不生今則不滅若有一法過涅槃者我亦說如

幻化是名滅諦慧雖知五陰衆生如虛空而誓度如
空之衆生雖知集無所有而斷諸妄想如與空共闕
雖知道不二相而勤於空中種樹雖無衆生得滅度
者而滅度無量衆生約此卽事而真論道品六度等
二云是名無生四諦慧無量四諦慧者大經云佛說
四諦若攝法盡則不應言所不說者如十方土攝法
不盡應有五諦佛言四諦攝盡無第五諦但若有無
量相集滅道等皆有無量相我於彼經竟不說之若
是空者空尚無空云何無量當知出假分別之慧也
此慧徧知十法界假實差別名苦諦慧徧知五住煩

惱不同名集諦慧徧解半滿正助等行名道諦慧解
半滿十六門諸滅門不同是滅諦慧二乘但服四諦
藥治見思病自出生歿於分別則閑菩薩作大醫王
須解訖種種承談種種病種種藥得種種差約此
起種種慈悲行種種行諸度道品成種種衆生淨種
種佛土廣說如止觀云是名無量四諦慧無作四
諦慧者解惑因緣而成四也大經云寶珠在體謂呼
失去憂愁啼哭但見其體及瘡不見寶珠及鏡唯有
憂悲無復歡喜此迷道滅而起苦集若解瘡體卽是
寶珠則喜不哭因滅無明卽得熾然三菩提燈此解

悟因緣卽是道滅道滅卽苦集苦集卽道滅若爾則
四非四四既非四無量亦非無量無量既非無量則
假非假假非假故則空非空何但卽空非空亦卽假
非假雙亡正入卽寂照雙流大品云一切種智卽寂
滅相種種行類相貌皆知名一切種智寂滅相卽是
雙遮雙亡行類相貌皆知卽是雙流雙照無心亡照
任運寂知故名不可思議卽無作四諦慧大經云無
苦無諦有實無集道滅無諦有實實卽中道如來虛
空佛性如此觀時無緣慈悲拔二邊苦與中道樂修
色非淨非不淨卽空卽假卽中非枯非榮中間論滅

一切道品無不具足徧捨十法界依正名檀中道道
共到尸彼岸名戒住寂滅忍二邊不動名忍二邊不
間名牢強精進入王三昧住首楞嚴名禪實相般若
名智慧無謀巧用名方便入自在我名力無記化
禪名願三智一心中得名智一波羅蜜具十亦具一
切佛法一行無量行無量行一行是如來行是名無
作四諦慧修此慧時卽得住於無所畏地卽初歡喜
地離五怖畏謂不活畏惡名畏歿畏惡道畏大衆威
德畏大經云不畏貪欲恚癡此內無三毒外離八風
則無惡名畏若言不畏地獄等卽無惡道畏若言不

法華玄義卷四
三
畏沙門婆羅門卽無大衆畏見中道則無二歎畏實
相智慧常命立無不活畏得入此地具二十五三昧
破二十五有顯二十五有我性我性卽實性實性卽
佛性開佛之知見發真中道斷無明惑顯真應二身
緣感卽應百佛世界現十法界身入三世佛智地能
自利利他真實大慶名歡喜地也此地具足四德破
二十五有煩惱名淨破二十五有業名我不受二十
五有報名樂無二十五有生歿名常常樂我淨名爲
佛性顯卽此意也地持說離五怖畏者修無我智我
想不生云何當有我愛衆具愛是離不活畏不於他

人有所求欲常饒益一切衆生是離惡名畏於我見
我想心不生是離歿畏此身命終於未來世必與佛
菩薩共會是離惡道畏觀於世間無與等者況復過
上是離大衆畏十地經亦同十地論解云是中第一
依身第二依口第三第四依身第五依意活者依身
所用衆具能資於生名資生生爲活也此就因中說
果菩薩無此畏復次名字言說皆依口失護名不爲
利養心不怖望他人恭敬故名無惡名第五依意可
解三四依身愛善道憎惡道無愛憎身故無惡道畏
亦不愛憎身故無死畏私謂不畏貪欲等無作集壞

不畏惡道此名無作苦壞不畏大眾此是無作道立
無不活無歎畏此是見性得常無作滅立復次破二
十五有有能含果有破故集諦壞果破故苦諦壞得
二十五三昧者道諦立見二十五有我性我性卽佛
性滅諦立破二十五有則無煩惱是淨德破二十五
有果故無苦是常德得二十五三昧是樂見二十五
我性是我四德宛然矣今釋二十五三昧名依四悉
檀意一隨時趣立如人多子各立一名使兄弟不濫
二十五三昧亦復如是各舉一名令世諦不亂豈可
定執也二隨其義便各從而立一名也三隨事

對當各有主治從對得名也四理實無名而依理立
字雖有四意多用對治約理以立二十五三昧也通
釋二十五各爲四意一出諸有過患二明本法功德
三結行成三昧四慈悲破有一一皆爾地獄有用無
垢三昧破者地獄是重垢報處報因則是垢謂惡業
垢見思垢塵沙垢無明垢其菩薩先見此過爲破諸
垢修前來所明根本戒破惡業垢修前來所明背捨
等定伏見思垢修前來所明生滅無生滅慧破見思
垢修前來所明無量慧破塵沙垢修前來所明無作
慧破無明垢其破見思垢故真諦三昧成破惡業垢

塵沙垢故俗諦三昧成破無明垢故中道王三昧成
其三菩薩自破地獄諸垢時句句皆有慈悲誓願冥熏
 法界彼地獄有若有機緣關於慈悲以王三昧力法
 性不動而能應之如婆藪調達示所宜身說所宜法
 彼地獄中若有善機以持戒中慈悲應之令離苦得
 樂有入空機以生無生慧等慈悲應之令得真諦有
 入假之機以無量慧慈悲應之令得俗諦有入中機
 以無作慧慈悲應之令得王三昧先自無垢今令他
 無垢故此三昧名無垢也下去例如此不復委記也畜生有用不
 退三昧破者畜生無慚愧退失善道則是惡業故退

見思故退塵沙故退無明故退菩薩為破諸退修前
 持戒破惡業退修於禪定伏見思退修生無生慧破
 見思退修無量慧破塵沙退修無作慧破無明退見
 思破故得位不退真諦三昧成惡業塵沙破故得行
 不退俗諦三昧成無明破故得念不退中道三昧成
 本修諸行皆有慈悲誓願冥熏法界彼畜生中若有
 機緣關於慈悲以王三昧力不動法性而往應之宜
 示何身宜說何法為龍為象為鳥大鷲若有善機以
 戒定慈悲應之令出苦得樂有入空機以生無生慧
 慈悲應之令出有得無真諦三昧成有入假機以無

法華要義卷之四十一
量慧慈悲應之令免空得假俗諦三昧成有入中機
以無作慧慈悲應之令出邊入中王三昧成菩薩自
既不退令他不退故名不退三昧也餓鬼有用心樂
三昧破者此有常弊飢渴惡業苦見思煩惱苦客塵
闇障苦無明根本苦菩薩爲破諸苦修前持戒破惡
業苦脩定伏見思苦修生無生慧破見思苦修無量
慧破塵沙苦修無作慧破無明苦破見思苦無爲心
樂三昧成破惡業塵沙苦多聞分別樂三昧成破無
明苦常樂三昧成以本行慈悲冥熏法界彼餓鬼道
若有機緣與慈悲相關王三昧力不動法性而往應

之示所宜身說所宜法若有善機以持戒慈悲應之
手出香乳施令飽滿有入空機以生無生慈悲應之
令到無爲岸有入假機以無量慈悲應之令遊戲於
五道有入中機以無作慈悲應之令淨於三毒根成
佛道無疑菩薩自既得樂又令他得樂是故名爲心
樂三昧也阿修羅有用歡喜三昧者修羅多猜疑怖
畏則有惡業疑怖見思疑怖塵沙疑怖無明疑怖菩
薩爲破是諸疑怖而修諸行修持於戒破惡業疑怖
修諸禪定伏見思怖修生無生慧破見思怖修無量
慧破塵沙怖修無作慧破無明怖見思破故空法喜

法華玄義卷中
三昧成惡業塵沙破故一切衆生喜見三昧成無明
破故喜王三昧成以本諸行慈悲誓願冥熏法界彼
修羅中若有機緣關於慈悲以王三昧力不動法性
而往應之示所宜身說所宜法有善機者應以持戒
身慈悲令離惡業怖有入空機應以生無生慈悲令
離見思怖有入假機應以無量慈悲令離無知怖有
入中機應以無作慈悲令離無明怖自證三喜令他
無復三怖是故名歡喜三昧此前悉用對治立名也
弗婆提有用日光三昧破者日朝出於東隨便爲名
耳日譬智光能照除迷惑東天下人有惡業闇見思

闇塵沙闇無明闇菩薩爲照此諸闇故修前戒光破
惡業闇修禪定流光伏見思闇修一切智光破見思
闇修道種智光破塵沙闇修一切種智光破無明闇
破見思闇故一切智日光三昧成破塵沙闇故道種
智日光三昧成無明闇破故一切種智日光三昧成
以本行慈悲誓願冥熏法界彼弗婆提若有機緣關
於慈悲王三昧力不動法性而往應之示身說法若
有事善機以持戒慈悲應之令免惡業闇有入空機
以生無生慈悲應之令免見思闇有入假機以無量
慈悲應之令免無知闇有入中機以無作慈悲應之

法華玄義卷第五
九
令免無明闇自既破闇亦令他破闇故稱日光三昧也瞿耶尼有用月光三昧破者月夕初現於西亦隨便立各月亦照闇例同日光云鬱單越用熱燄三昧破者北方是陰地冰結難銷自非熱燄赫照終不融冶北天下人冰執無我難可化度若非智火慧燄無我所心終不得度彼無我所乃是妄計猶有自性人我法我真如我菩薩爲破諸我修生滅無生滅慧破性人我修無量慧破法我修無作慧破真如我得人空成真諦智燄得法空成俗諦智燄得真如空成中道智燄以本慈悲冥熏法界彼鬱單越若有機緣

關於慈悲以王三昧力不動法性而往應之示身說法有善機應以戒慈悲令免妄計無我有入空機應以生無生慈悲令免性我有入假機應以無量慈悲令免法我有入中機以無作慈悲應之令免真如我自破妄我令他破妄我故名熱燄三昧也闇浮提有用如幻三昧破者南天下果報雜雜壽命等不定猶如幻化此則從心幻出業幻出見思幻出無知幻出無明菩薩爲破諸幻從於持戒幻出無作破結業幻從於禪定幻出背捨從生無生慧幻出無漏從無量慧幻出有漏從無作慧幻出非漏非無漏見思幻破

法華義疏卷第五
真諦幻成無知幻破俗諦幻成無明幻破中道幻成
故經言如來是大幻師彼闍浮提有諸機緣關於誓
願以本慈悲隨感應之自破諸幻成他諸幻是故名
爲如幻三昧餘如上說四天王有用不動三昧破者
此天守護國土遊行世界則有果報動見思塵沙無
明等動菩薩修諸行破諸動成三昧誓願熏機緣感
以本慈悲令他破四動成三不動是故名不動三昧
委悉如上說三十三天有用難伏三昧者此是地居
之頂卽是果報難伏見思塵沙無明等難伏菩薩修
諸行出其上破諸難伏自成三昧誓願熏他若有機

緣以本慈悲令他得證是故三昧名爲難伏餘如上
說跋摩天有用悅意三昧破者此天處空無刀杖戰
鬪以之爲悅此是果報中悅而未有不動業悅亦無
無漏道種智中智等悅菩薩爲破諸不悅而修諸行
自成三諦悅意三昧誓願法界有機緣者以本慈悲
令他意悅是故三昧名爲悅意餘如上說兜率陀天
有用青色三昧破者真諦三藏云此天果報樂青宮
殿服玩等一切皆青菩薩爲破諸青修第一義非青
黃赤白而見青黃赤白第一義非戒定慧而戒定慧
以戒破果報青以生無生慧破見思青非真見真非

法華文義卷中
假見假非中見中亦復如是三青障破自成三諦三
青三昧乃至感應成他三昧例上可解黃色三昧破
化樂天有赤色三昧破他化自在天有白色三昧破
初禪有皆是果報白等例青色三昧大意可解白色
三昧者初禪離五欲爲白未離覺觀故是黑見思塵
沙無明等黑破此諸黑修諸行白自成三昧又成他
三昧如上說種種三昧破梵王有者梵王主領大千
界種類既多卽是果報種種未見種種空種種假種
種中破此種種修種種行自成種種亦成他種種如
上說二禪用雙三昧者二禪獨有內淨喜兩支餘支

與餘禪共此卽果報雙而未見雙空雙假雙中例如
上說三禪用雷音三昧者此禪樂最深如冰魚蟄蟲
是果報著樂又著空樂假樂中樂爲驚駭諸樂修諸
雷音之行餘如上說四禪用注雨三昧者四禪如大
地具種種種子若不得雨芽不得生一切善根在四
禪中謂業種三諦種修諸行雨自生三昧慈悲應機
生他三昧云無想天有用如虛空三昧者外道非
空妄計涅槃謂果報非空三諦皆非虛無修諸空淨
之行自成成他云阿那含天用照鏡三昧此聖無
漏天雖得淨色但是報淨色未究盡色空如鏡未極

明未知色假如鏡未有影未知色中如未達鏡圓餘
 如上說空處用無礙三昧者此定得出色籠卽果報
 無礙未是空假中等無礙餘如上說識處用常三昧
 者此定謂識相續不斷爲常此乃定報非三無爲常
 化用常常樂常例如上云不用處以樂三昧破者
 此處如癡癡故是苦乃至無明苦例如上云非想
 非非想用我三昧破者頂天謂是涅槃果報猶有細
 煩惱不自在乃至無明不自在修行破之得真我隨
 俗我常樂我例如上云此二十五皆稱三昧者調
 直定也真諦以空無漏爲調直出假以稱機爲調直

中道遮二邊爲調直故皆具三諦則通稱三昧又稱
 王者空假調直未得爲王所以二乘入空菩薩出假
 不名法王中道調直故得稱王一一三昧皆有中道
 悉稱爲王大經云是二十五三昧名諸三昧王卽其
 位高義若入是三昧一切三昧悉入其中卽其體廣
 義應二十五有機卽其用長也無畏地中具得二十
 五三昧種種力用須彌入芥不傷樹木毛孔納海不
 燒龜魚雖處地獄身心無苦變通出沒不動而遠卽
 其妙義蓋乃慧聖行成能有是力也問三昧破有乃
 是涅槃之文何得釋此答第三云破有法王出現於

法華玄義卷第四
世隨衆生欲而爲說法四意明文宛然具足又涅槃
明菩薩破有此經明法王破有彌顯其義也明聖行
竟二梵行者梵者淨也無二邊愛見證得名之爲淨
以此淨法與拔衆生卽是無緣慈悲喜捨也菩薩以
大涅槃心修於聖行得無畏地具二十五三昧無方
大用爾時慈悲是真梵行非餘梵天所修四無量心
亦非三藏通教衆生緣法緣等慈悲也以今慈悲喜
捨熏修衆行無不成辦大經云若有人問誰是一切
諸善根本當言慈是慈旣是行本故言梵行若依圓
語亦如大經慈卽如來慈卽佛性慈若不具佛十力

四無所畏三十二相者是聲聞慈若具足者是如來
慈是慈卽是大法聚是慈卽是大涅槃慈力弘深具
一切福德莊嚴故名梵行三天行者第一義天天然
之理此語道前由理成行此語道中由行理顯此語
道後今約由理成行故言天行菩薩雖入初地初地
不應住以有所得故修上十地慧十重發真修慧由
理成行名爲天行天行卽智慧莊嚴上求佛道故有
聖行天行下化衆生故有梵行病行嬰兒行也四嬰
兒行者若福慧轉增實相彌顯雖不作意利益衆生
任運能有冥顯兩益天行力有冥益梵行力有顯益

衆生雖有小善之機無菩薩開發不得生長慈善根力如磁石吸鐵和光利行能令衆生得見菩薩同其始學漸修五戒十善人天果報楊葉之行又示二百五十戒觀練熏修四諦十二因緣三十七品同二乘嬰兒行又示同習六度三阿僧祇百劫種相好柔伏煩惱六度菩薩小善之行又示同卽色是空無生無滅通教小善之行又示同別教歷別次第相似中道小善之行皆是慈心之力俯同羣小提引成就從慈心與樂起嬰兒行大經云能說大字所謂婆和此卽六度小行而求作佛故言大字又云不見晝夜親疎

等相卽同通教菩薩卽色是空意也又云不能造作大小諸事大事卽五逆小事卽二乘心此卽同別教別教非生歿故無五逆非涅槃故無小乘心又云楊樹黃葉卽同人天五戒十善嬰兒又云非道爲道以能生道微因緣故卽同二乘嬰兒也慈善根力能出假化物同小善方便引入佛慧作圓教嬰兒也經云不能起住來去語言如經云又判麤妙開麤顯妙例可解云五病行者此從無緣大悲起若始生小善必有病行今同生善邊名嬰兒行同煩惱邊名爲病行以衆生病則大悲熏心是故我病或遊戲地獄

或作畜生形化身作餓鬼等悉是同惡業病如調達等又示有父母妻子金鏘馬麥寒風索衣熱病求乳此示人天有結業生老病死之病又示道場三十四心斷結示同二乘見思之病方便附近語令勤作三藏通教菩薩亦如是又同別教寂滅道場初斷塵沙無明之病是故菩薩悉同彼病徧於法界利益眾生次第五行竟問聖行證三地梵行證兩地天行病行嬰兒行何不證地答聖梵兩行各修因故論證地天行正是所證病兒兩行從果起應故不論證耳又有義經顯別義從地前各入證經顯圓義登地同一證

又地前非不修圓登地非無有別互顯令易解故不煩文地前別者飛行從淺至深證不動地定行從淺至深證堪忍地慧行從淺至深證無畏地地上去並同者豈有三地條然永別祇登地時不為二邊所動名不動地上持佛法下荷眾生名堪忍地於生歿涅槃俱得自在名無畏地無畏地從我德立名堪忍地從樂德立名不動地從常德立名淨德通三處登地之日四德俱成則無增減蓋化道宜然例如朝三暮四之意耳從登地去地地有自行地地有自證自行祇是修天行自證祇是證天行故不別說天行證也

若地前化他名梵行慈悲喜是化他之事行一子地
是其證捨心是化他之理行空平等是其證此二地
亦不條然登地慈悲故言一子慈悲與體同故言空
平等耳地有悲同惡名病行地有慈同善名嬰
兒行證道是同故不別說佛地功德仰信而已豈可
闇心定分別耶略答如此 云云

妙法蓮華經玄義卷第四上

妙法蓮華經玄義卷第四下

天台 智者 大師說

圓五行者大經云復有一行是如來行所謂大乘大
般涅槃此大乘是圓因涅槃是圓果舉此標如來行
非餘六度通別等行前雖名大乘不能圓運前雖名
涅槃過茶可說乃是菩薩之行不得名爲如來一行
若圓行者圓具十法界一運一切運乃名大乘即是
乘於佛乘故名如來行如大論云從初發心常觀涅
槃行道亦如小品云從初發心行生修乃至坐道場
亦行生修畢竟發心二不別皆如來行意也此經明

法華之義卷四十四
安樂行者安樂名涅槃卽是圓果行卽圓因與涅槃
義同故稱如來行人室著衣坐座悉稱如來者此就
人爲語涅槃就法爲語卽人論法如來卽涅槃卽法
論人涅槃卽如來二經義同也涅槃列一行名而廣
解次第五行法華標安樂行廣解圓意今依法華釋
圓五行五行在一心中具足無缺名如來行文云如
來莊嚴而自莊嚴卽圓聖行如來室卽圓梵行如來
座卽圓天行如來衣有二種柔和卽圓嬰兒行忍辱
卽圓病行此五種行卽一實相行一不作五五不作
一非共非離不可思議名一五行云何莊嚴名聖行

文云持佛淨戒佛戒卽圓戒也又云深達罪福相徧
照於十方卽罪卽福而見實相乃名深達以實相心
離十惱亂等皆是圓戒佛自住大乘如其所得法定
慧力莊嚴卽是佛之定慧莊嚴故名佛聖行也云何
如來室名梵行無緣慈悲能爲法界依止如磁石普
吸莫不歸趣又以弘誓神通智慧引之令得住是法
中故以如來室爲梵行云何如來座爲天行第一義
天實相妙理諸佛所師一切如來同所栖息文云觀
一切法空不動不退亦不分別上中下法有爲無爲
實不實法故如來座卽天行云何如來衣嬰兒行病

行遮喧遮靜故名忍辱雙照二諦復名柔和文云能
爲下劣忍于斯事卽脫纓絡著弊垢衣卽同病行方
便附近卽同嬰兒行又復觀十法界寂滅卽如來座
名天行拔九法界性相故起悲與一法界樂故起慈
卽是梵行柔和照善性相卽同嬰兒照惡性相卽同
病行又照善性相卽戒寂照卽定慧卽是聖行當知
一心照十法界卽具圓五行又一心五行卽是三諦
三昧聖行卽真諦三昧梵嬰病卽俗諦三昧天行卽
中道王三昧又圓三三昧圓破二十五有卽空故破
二十五惡業見思等卽假故破二十五無知卽中故

破二十五無明卽一而三卽三而一一空一切空一
假一切假一中一切中故名如來行又如來室冥熏
法界慈善根力不動真際和光塵垢以病行慈悲應
之示種種身如聾如瘖說種種法如狂如癡有生善
機以嬰兒行慈悲應之婆和木牛楊葉有入空機以
聖行慈悲應之執持葦器狀有所畏有入假機以梵
行慈悲應之慈善根力見如是事踞師子牀實几承
足商估賈人乃徧他國出入息利無處不有有入中
機以天行慈悲應之如快馬見鞭影行大直道無留
難故無前無後不並不別說無分別法諸法從本來

法華玄義卷四下
常自寂滅相圓應衆機如阿脩羅琴若漸引入圓如
前所說若頓引入圓如今所說入圓等證更無差別
爲顯別圓初入之門慈善根力令漸頓人見如此說
云又圓五行卽是四種十二因緣智行不思議識
名色等清淨卽戒聖行行有等清淨卽定聖行無明
愛等清淨卽慧聖行十二支寂滅又無前三種十二
緣卽天行能同前三種十二因緣滅卽嬰兒行同前
十二因緣生卽病行又是四種四諦智行無作之道
卽戒定慧聖行無作之滅卽天行慈悲拔苦拔四種
苦與四種樂卽梵行直悲卽病行直慈卽嬰兒行又

是七種二諦智行圓真方便卽是聖行圓真之理卽
是天行悲七俗慈七善卽梵行同七俗卽病行同七
真卽嬰兒行又是五種三諦智行俗諦中善是戒聖
行真諦中禪是定聖行真諦慧卽慧聖行中諦是天
行拔五俗苦與五真中樂是梵行同五俗是病行同
五真中是嬰兒行又是一實諦智行一實諦有道共
戒定慧卽聖行一實境卽天行同體慈悲合說卽梵
行各說卽病行嬰兒行觀心圓五行者上來圓行不
可遠求卽心而是一切諸法中悉有安樂性卽觀心
性名爲上定性卽空卽假卽中五行三諦一切佛

法卽心而具初心如此行如來行應以如來供養而
供養之隨方向禮至處起塔已有全身舍利故初心
尚爾況以解耶況入住耶地持云從自性禪發一切
禪一切禪有三種一現法樂禪卽實相空慧中三昧
也二出生一切種性三摩跋提二乘背捨除入等卽
真三昧也三利益衆生禪卽俗三昧也當知五行三
諦於一切禪中皆悉成就卽初住分位入此位時無
非佛法是爲圓心之行豈與前五行次第意同當知
次第爲麤一行一切行爲妙卽相待意也若開麤顯
妙無麤可待卽絕待行妙意也問法華開麤麤皆入

妙涅槃何意更明次第五行耶荅法華爲佛世人破
權入實無復有麤教意整足涅槃爲末代凡夫見思
病重定執一實誹謗方便雖服甘露不能卽事而真
傷命早夭故扶戒定慧顯大涅槃得法華意者於涅
槃不用次第行也○第四明位妙者諦理旣融智圓
無隔導行成妙三義已顯體宗用足更明位妙者行
之所階也但位有權實布在經論若成論毗曇判位
言不涉大地攝等論判位別敘一途義不兼括方等
諸經明位纓珞已判淺深般若諸經明位仁王盛談
高下而未彰麤妙今經位各不彰而意兼小大粗判

法華玄義卷四
五
權實然梵文不盡度本經必有今藥草喻品但明六位文云轉輪聖王釋梵諸王是小藥草知無漏法能得涅槃獨處山林得緣覺證是中藥草求世尊處我當作佛行精進定是上藥草又諸佛子專心佛道常行慈悲自知作佛決定無疑是各小樹安住神通轉不退輪度無量億百千衆生是各大樹追取長行中一地所生一雨所潤及後文云今當爲汝說最實事以爲第六位也前三義是藏中位小樹是通位大樹是別位最實事是圓位也小草位者人天乘也輪王是人主位釋梵是天主位皆約報果明位果義既有

優劣當知修因必有淺深人位因者卽是秉持五戒略爲四品下品爲鐵輪王王一天下中品爲銅輪王王二天下上品爲銀輪王王三天下上品爲金輪王王四天下皆是散心持戒兼以慈心勸他爲福故報爲人主飛行皇帝四方歸德神寶自然應也天乘位者修十善道任運淳熟通是天因加修禪定進升上界三界天果高下不同修因必深淺異也正法念云六萬山遶須彌須彌四垂有持髻天有十住處各千由旬北四餘各二南各白摩尼能十拍手頃受三歸依不雜餘心者生此天受樂轉輪王十六倍不及

法苑珠林卷四
一諸樂具悉從山河流出二名峻崖昔於河濟造立
橋船度持戒人兼濟餘人不作衆惡果報可知西方
一名果命昔於飢世守持淨戒淨身口意種殖果樹
行者食之安樂充滿二名白功德昔以華鬘散佛上
及塔上東方一名一切喜昔以華供養持戒人供佛
自力致財買華果報可知二名行道昔見大火起焚
燒衆生以水滅之果報云北方四者一名愛欲二
名愛境界三名意動四名遊戲林初者見他親友相
破和合諍訟得生此天次昔說法會次昔以淨信心
供養衆僧掃塔淨信上田次昔持信心施僧衣施一

果直爲作衣價愛樂隨喜次迦留波陀天此言象跡
亦有十處一名行蓮華昔持戒熏心受三自歸稱南
無佛所有蜂聲尚勝餘天况復餘果報耶次名勝蜂
歡喜昔信心持戒有慈悲利益衆生華香伎樂供養
佛塔三名妙聲昔施佛寶蓋四名香樂昔信心持戒
香塗佛塔五名風行昔信心持戒施僧扇得清涼六
天香風悉來熏之皆倍倍增香風尚爾況念香風隨
念皆得六名散華歡喜昔見持戒人說戒時施澡餅
或道路中盛滿淨水施人澡餅七名普觀昔於持戒
人以善熏心於破戒人病不求恩惠悲心施安心不

法苑珠林卷四
疲厭供養病人八名常歡喜昔見犯法者應歿以財贖命令其得脫九名香藥昔於持戒信三寶大福田中施末香塗香淨心供養如法得財施已隨喜十名均頭昔見人得罪於王髮髮受戮救令得脫第三天名常恣意十住處一名歡喜峰昔救護神樹及夜叉所依樹有樹卽樂失樹卽苦二名優鉢羅色昔淨信持戒供養三寶造優鉢羅華池故三名分陀利昔造此華池四名彩地昔信淨心爲僧染治袈裟雜色深治法服故五名質多羅此翻雜地昔以種種食施持戒不犯戒等人故六名山頂昔修造屋遮風寒令

人受用故七名摩偷此翻美地昔持戒悲心質直不惱人食施道行沙門婆羅門或一日或多日或不息故八名欲境昔持戒若邪見人病施其所安故九名清涼昔見臨終渴病人以石蜜漿或冷水施病人故十名常遊戲昔爲坐禪人作房舍圖畫作死屍觀故第四名筌篋天有十住處一名捷陀羅昔以園林甘蔗菴羅等果林施僧故二名應聲昔爲邪見人說一偈法令其心淨信佛故三名喜樂昔施人美飲或清美水或覆泉井不令蟲蟻入行人飲之無苦惱故四名掬水昔見病苦者臨終咽喉忽忽出聲施其漿水

財物贖彼命五名白身昔塗飾治補佛塔僧舍亦教
人治補故六名共遊戲昔信心持戒同法義和合共
故七名樂遊戲昔持戒化衆生令心淨信歡喜戒施
故八名共遊昔法會聽法佐助經營深心隨喜故九
名化生昔見饑饉者沒溺者而救護之十名正行昔
見亡破抄掠救令得脫示嶮處正道次日行天遶須
彌山住於宮殿外道說爲日曜及星宿略說三十六
億昔持七戒令得增上果風輪所持此日行等大天
與二大天謂提頭賴吒毗沙門遊四天下遊戲空中
受五欲樂如意自娛日行遶須彌山隨在何方山有

影現人說爲夜風輪持北方星輪轉不沒外道見辰
星不沒謂其能持一切世間國土不知風力所爲也
不殺戒生四天處不殺不盜生三十三天加不婬生
焰摩天加不口四過生兜率天又加世間戒復信奉
佛七戒生化樂他化兩天所持戒轉勝天身福命轉
勝又隨心持戒信心勝者其福轉勝三十三天者一
名住善法堂天昔持七戒堅固無嫌施四果病人父
母入滅定人慈悲喜捨與怖畏壽命生善法堂天作
釋迦提婆姓憍尸迦名能天主有九十九那由他天
女爲眷屬心無嫉妬善法堂廣五百由旬第三名清

淨天談摩天王各牟修樓陀身長五由旬百千帝釋
和合所不及第四兜率陀此云分別意宮其王各刪
闍率陀第五涅摩地此云自在亦各不憍樂第六各
婆羅尼蜜此云他化自在色無色不復書小藥草竟
中藥草位者卽二乘也此就習果判位舊云成論探
明大乘解菩薩義此則不然論主自云今正自明三
藏中實義實義者空是人師豈可誣論主耶此卽空
門明二十七賢聖斷伏之位阿毗曇有門明七賢七
聖斷伏之位委在兩論今略出有門中草之位初明
七賢次明七聖位七賢者一五停心二別相念處三

總相念處四煖法五頂法六忍法七世第一法通稱
賢者隣聖曰賢能以似解伏見因似發真故言隣聖
又天魔外道愛見流轉不識四諦此七位人明識四
諦大經云我昔與汝等不見四真諦云見四諦者
識屬愛四諦識屬見四諦皆能明了若解四諦則所
見真正無有邪曲故是賢人相也一初賢位者謂學
五停心觀成破五障道卽是初賢位所以者何若定
邪聚衆生不識三寶四諦貪染生歎若人歸依三寶
解四真諦發心欲離生歎求涅槃樂五種障道煩惱
散動妨觀四諦今修五難成就障破道明行解相稱

故名初賢二別相念處位者以五障既除觀慧諦當能觀四諦而正以苦諦爲初門作四念處觀破四顛倒若慧解脫根性人但修性四念處觀破性執四倒若俱解脫人修共四念處觀破事理四倒若無疑解脫根性人修性共緣三種四念處破一切事理文字等四顛倒善巧方便於念處中有四種精進修四種定生五善法破五種惡分別道用安隱而行能觀四諦成別相四念處位也三總相四念處者前已別相念慧破四顛倒今深細觀慧總破四倒或境總觀總境別觀總境總觀別或總二陰三陰四陰五陰皆各

總相觀是中亦巧方便能生正勤如意七覺八道疾入後法故名總相念處位也四煖法位者以別總念處觀故能發似解十六諦觀得佛法氣分譬如鑽火煙起亦如春陽煖發以慧鑽境發相似解解卽喻煖又如春夏積集華草自有煖生以四諦慧集衆善法善法熏積慧解得起故名煖也卽是內凡初位佛弟子有外道則無是名煖法位五頂法者似解轉增得四如意定十六諦觀轉更分明在煖之上如登山頂觀躡四方悉皆明了故名頂法六忍法位者亦是似解增長五種善法增進成根於四諦中堪忍樂欲故

法華玄義卷四
名忍法位下中二忍皆名忍位七世第一法位者即
是上忍一刹那於凡夫所得最勝善根名爲世間第
一法也上智妙中已略說竟七聖位者一隨信行二
隨法行三信解四見得五身證六時解脫羅漢七不
時解脫羅漢通名聖者正也苦忍明發捨凡性入聖
性真智見理故名聖人一隨信行位者是鈍根人入
見道之名也非自智力憑他生解是人在方便道先
雖有信以未習真信不各行行以進趣爲義從得苦
忍真明十五刹那進趣見真故名隨信行位也二隨
法行位者即是利根入道之名也利者自以智力見

理斷結在方便道能自用觀觀四真諦法但未發真
不名爲行因世第一法發苦忍真明十五刹那進趣
見真故名隨法行位也三明信解位者即是信行人
入修道轉名信解人也鈍根憑信進發真解故名信
解是人證果有三謂三果云證初果者第十六道
比智相應卽證須陀洹須陀洹此翻修習無漏成論
明猶是見道數人明證果卽入修道用此明修習無
漏義便若見道所斷略言三結盡廣說八十八使盡
七生在終不至八云次明證二果卽有二種一向
二果向者從初果心後更修十六諦觀七菩提行現

法華玄義卷四下
前卽此世無漏斷煩惱一品無礙斷欲界一品煩惱
乃至斷五品皆是於向亦名勝進須陀洹約此論家
家也二果者若斷六品盡證欲界第六品解脫卽是
斯陀舍果也天竺云薄薄欲界煩惱也次明證阿那
舍亦有二一向土果向者若斷欲界七品乃至八品
皆名爲向亦名勝進斯陀舍約此說一種子也果者
九無礙斷欲界若證第九解脫卽名阿那舍果也天
竺云不還不還生欲界也復次須陀洹有三種一行
中須陀洹卽是向也二住果正是須陀洹也三勝進
須陀洹亦名家家卽是斯陀舍向也斯陀舍但有二

種一住果二勝進勝進亦名一種子卽阿那舍向也
阿那舍亦二種一住果二勝進勝進那舍斷五上分
結謂色無色染等卽阿羅漢向也羅漢但有一謂住
果也復次超果者凡夫時斷欲界六品乃至八品盡
來入見道發苦忍真明十五心中是斯陀舍向十六
心卽證斯陀舍果也若凡夫時先斷二界九品盡乃
至無所有處盡後入見諦十五心名阿那舍行第十
六心卽證那舍果此名超越人證後二果也是信解
雖是動根性不同謂退護思住進也若證阿那舍各
復有五及七種般八種般五種般者中般生般行般

不行般上流般也七種者開中般爲三種也八種般者五如前更有現般無色般不定般云四明見得位者法行人轉入修道名爲見得是利根人自以智勲見法得理故名見得是人在思惟道次第證三果超越二果亦如信解中分別但以利根不藉聞法不假眾具自能見法得理爲異也見得但是不動根性若證阿那含果亦有五種七種八種般不同也五明身證位者還是信解見到二人入思惟道用無漏智斷上下分結發四禪四無色定卽是用共念處修八背捨八勝處十一切處入九次第定三空事性兩障

先已斷盡又斷非想事障滅緣理諸心心數法入滅盡定得此定故名身證阿那含也何者入滅定以涅槃法安置身內息三界一切勞務身證想受滅故名身證也若約初果解身證者但以先於凡夫用等智斷結得四禪四無色定後得見諦第十六心證那含果卽修共念處還從欲界修背捨勝處一切處入九次第定身證也是阿那含有二種一住果但是阿那含也二帶果行向卽是勝進阿那含也亦是羅漢向攝釋論云那含有十一種五種正是阿那含六種阿羅漢向攝此身證者卽是勝進爲羅漢向攝五種七

種般皆有上流般八種般但有現般無色般也毗曇
分別那含有一萬二千九百六十種云六明時解
脫羅漢者是信行鈍根待時及眾緣具方得解脫故
名時解脫羅漢羅漢此無翻名含三義殺賊不生應
供也位居無學羅漢有五種隨信行生退法思法護
法住法升進法也得盡智無學等見也若用金剛三
昧於非想九品惑盡次一剎那證非想第九解脫成
盡智次一剎那得無學等見也或彼時退故不說得
無生智此五種阿羅漢是信種性根鈍因中修道必
假衣食牀具處所說法及人隨順善根增進不能一

切時所欲進也是五種各有二種不得滅盡定但是
慧解脫得滅盡定卽是俱解脫若不得滅盡定是人
因中偏修性念處若得滅盡定是人因中修性共也
證果時三明八解一時俱得故名俱解脫也七不時
解脫羅漢者卽是法行利根名不動法阿羅漢也此
人因中修道能一切時隨所欲進修善業不待眾具
故名不時解脫是人不爲煩惱所動故名不動不動
是不退義成就三智謂盡智無生智無學等見能用
重空三昧擊聖善法以定捨定故言能擊是不動羅
漢亦有二種一不得滅盡定但名慧解脫二得滅盡

法華玄義卷四
定卽是俱解脫若聞佛說三藏教門修緣念處卽發
四辯名無疑解脫是名波羅蜜聲聞能究竟具足一
切羅漢功德也名沙門那沙門那者沙門果也二明
辟支佛位者此翻緣覺此人宿世福厚神根猛利能
觀集諦以爲初門大論稱獨覺因緣覺若出無佛世
自然悟道此卽獨覺若出佛世聞十二因緣法稟此
得道故名因緣覺獨覺生無佛世有小有大若本在
學人今生佛後七生旣滿不受八生自然成道不名
爲佛亦非羅漢名小辟支迦羅論其道力不及舍利
弗等大羅漢二者大辟支迦羅二百劫中作功德身

得三十二相分或三十一三二十九乃至一相福
力增長智慧利於總相別相能知能入久修集定常
樂獨處故名大辟支迦羅也若就因緣論小大者亦
應如是分別此人根利不須制果能斷正使又加侵
習譬如身壯直到所在不中止息故不制果是名中
草位竟上草位者卽是三藏菩薩位也此菩薩從初
發菩提心起慈悲誓願觀察四諦以道諦爲初門行
六波羅蜜從初釋迦至罰那尸棄佛時名第一阿僧
祇劫常離女人身亦不自知當作佛不作佛準望二
乘位應在五停心別相總相念處位中以慈悲心行

六度行也從羅那尸棄佛至然燈佛時名第二阿僧祇劫爾時雖自知作佛而口不說準望此位應在煥法位中卽是性地順忍初心之位既有證法之信必知作佛而用煥解修行六度心未分明故口不向他說也從然燈佛至毗婆尸佛時名第三阿僧祇劫是時內心了了自知作佛口自發言無所畏難準此位應在頂法位中修行六度四諦解明如登山頂了見四方故口向他說也若過三僧祇劫種三十二相業者準此是下忍之位用此忍智行六度成百福德用百福成一相因於下忍之位人中佛出世時得種也

若坐道場時位在中忍上忍從上忍一剎那入真三十四心斷結得阿耨三菩提則名爲佛爾前則是三藏菩薩上草之位也小樹位者卽是通教明三乘之人同以無言說道斷煩惱入第一義諦體法觀慧不異但智力強弱之殊煩惱習有盡不盡爲異耳先明三乘共十地位次簡名別義通云云一乾慧地者三乘之初同名乾慧卽是體法五停心別相總相四念處觀事相不異三藏此三階法門體陰入界如幻如化總破見愛入倒名身念處處受心法亦如是住是觀中修正勤如意根力覺道雖未得煥法相似理水而

總相智慧深利故稱乾慧位也二性地位者得過乾
慧得煥已能增進初中後心入頂法乃至世界第一法
皆名性地性地中無生方便解慧善巧轉勝於前得
相似無漏性水故言性地也三八人地位者卽是三
乘信行法行二人體見假以發真斷惑在無間三昧
中八忍具足智少一分故名八人位也四見地位者
卽是三乘同見第一義無生四諦之理同斷見惑八
十八使盡也五薄地位者體愛假卽真發六品無礙
斷欲界六品證第六解脫欲界煩惱薄也六離欲地
位者卽是三乘之人體愛假卽真斷欲界五下分結

盡離欲界煩惱也七已辦地位者卽是三乘之人體
色無色愛卽真發真無漏斷五上分結七十二品盡
也斷三界事惑究竟故言已辦地八辟支佛地位者
緣覺菩薩發真無漏功德力大故能侵除習氣也九
菩薩地位者從空入假道觀雙流深觀二諦進斷習
氣色心無知得法眼道種智遊戲神通淨佛國土成
就衆生學佛十力四無所畏斷習氣將盡也齊此各
小樹位也十佛地者大功德力資智慧一念相應慧
觀真諦究竟習亦究竟如劫火燒木無復炭灰如象
渡河到於邊底雖菩薩佛名異二乘通俱觀無生體

法同是無學得二涅槃共歸灰斷證果處一故稱爲通也二簡名別義通更爲二初就三乘共位中菩薩別立忍名而義通二用別教各名別義通通義已如前說別立者別爲菩薩立伏忍柔順忍無生忍之名也乾慧地三人同伏見惑而菩薩更加伏忍之名者菩薩信因緣卽空而於無生四諦降伏其心起四弘誓願雖知衆生如虛空而發心度一切衆生是菩薩欲度衆生如欲度虛空故金剛般若云菩薩如是降伏其心所謂滅度無量衆生實無衆生得滅度者次三誓願降伏其心亦如是是爲菩薩在乾慧地脩停

心別相總相念處觀時異於二乘故別稱伏忍復次三乘人同發善有漏五陰生相似解皆伏見惑順第一義而菩薩獨受柔順忍名者菩薩非但伏結順理又能爲一切衆生伏心徧行六度一切事中福慧皆令究竟如三藏菩薩於中忍中三僧祇行六度不惜身命今菩薩亦如是以空無相願調伏諸根爲衆生故滿足六度故名順忍也復次三乘人同發真無漏若智若斷同名無生而菩薩獨受無生法忍名者以其見諦理斷結使不生取證之心故別受無生法忍之名也何者若生取證之心卽墮二乘地不得入菩

薩第九地復次三乘同得神通而二乘不能成就
衆生淨佛國土故不受遊戲之名菩薩能爾故別受
遊戲神通名也阿那含雖斷五下分結而不能捨深
禪定來生欲界和光利物不同其塵菩薩能如此故
別受離欲清淨之名所以三乘之人同觀二諦用與
不同若二乘雖觀二諦一向體假入空用真斷結至
無學果菩薩亦觀二諦始從乾慧終至見地多用從
假入空得一切智慧眼多用真也從薄地學遊戲神
通多修從空入假觀得道種智法眼多用俗也從辟
支佛地學二觀雙照入菩薩地自然流入薩婆若海

是則無功用心修種智佛眼佛地圓明成一切種智
佛眼同照二諦究竟也故大論云聲聞法中名乾慧
地於菩薩卽是伏忍聲聞法名性地於菩薩法中名
柔順忍聲聞法名八人地於菩薩名無生忍道聲聞
法名見地於菩薩法是無生法忍果聲聞名薄地於
菩薩法名爲遊戲五神通聲聞法名離欲地於菩薩
法名爲離欲清淨阿羅漢地於聲聞法卽是佛地何
者三藏佛三十四心發真斷三界結盡與羅漢齊故
名佛地於菩薩法中猶名無生忍故大品云阿羅漢
若智若斷是菩薩無生法忍辟支佛地亦如是九地

過辟支佛入菩薩位菩薩位者九地十地是則十地
菩薩當知爲如佛齊此習氣未盡過菩薩地則入佛
地用誓扶餘習生閻浮提入相成道五相如三藏不
殊唯六成道樹下得一念相應慧與無生四諦理相
應斷一切煩惱習盡具足大慈悲十力四無畏十八
不共法一切功德名之爲佛七轉法輪權智開三藏
生滅四諦法輪實智說摩訶衍無生四諦法輪通教
三乘人也八入涅槃相者雙樹入無餘涅槃薪盡火
滅留舍利爲一切天人福田也是爲通教共位別爲
菩薩立此各位也二用別名各者卽是取別教之名

準望通教菩薩位也別名者卽是十信三十心十地
之名也鐵輪位於通義卽是乾慧地伏忍也三十心
卽望性地柔順忍也八人地見地卽是初歡喜地得
無生法忍也故大品云須陀洹若智若斷皆是菩薩
無生忍也薄地向果向卽是離垢地果卽是明地也
故大品云斯陀含智斷是菩薩無生法忍也離欲地
向果向卽餓地果卽難勝地故大品云阿那含智斷
是菩薩無生法忍已辦地向果向是現前地果是遠
行地大品云阿羅漢智斷是菩薩無生法忍辟支佛
地卽是第八不動地侵習氣也大品云辟支佛地智

斷是菩薩無生法忍菩薩地卽是善慧地十地當知如佛地佛地如前說此佛與三藏佛亦同亦異同八十年同入真灰斷也異者三藏因伏果斷通佛因果俱斷三藏一日三時照機通佛卽俗而真照不須入也是則用別名辨位名異義同猶屬通教位也問初地至七地對果出何經論答經論非不對當但高下不同人師對之異或用見地止對初地如今所用或向初取三地併對初地仁王明四地併對初地此難定判但通教見地本是無間之道不出觀證須陀洹豈得初地斷見乃至三地或云四地耶若斷別惑不

共二乘此義有之又或言六地斷結齊羅漢或云七地此難定執前後兩果經論對皆不定中間可以意得今以義推不可定執也問從七地八地觀常住破無明者是何地位答此則非通亦復非別何者通教始終不明觀常何得中間而破無明別教初心卽知常住初地已能破無明云何八地始破無明此乃別接通意耳問大論三處明初地約別圓皆取發真爲初地通教何意取乾慧爲初地答別圓各逗一種根性故用發真爲初地通教爲逗多種根性所謂別圓入通故含容取乾慧耳若鈍者八人見地是初地利

法華文義卷四
三十一
者於乾慧卽能斷結故是初發問利人應無十地各備有以根利故故不制位耳問別圓無利人耶荅雖有利鈍以根性純故但作一說宜如此也大樹位者別教位也此爲三一出經論不同二總明位三別明位此別教各義理惑智斷皆別此正約因緣假各恒沙佛法如來藏理常住涅槃無量四諦而論位次無量四諦凡有四種有無量四諦不伏破塵沙亦不伏破無明有無量四諦傍伏破塵沙不伏破無明有無量四諦正伏破塵沙亦伏無明有無量四諦正伏破塵沙亦伏破無明云何無量不伏破塵沙不伏破無

明若三藏伏道有十六諦觀明障真之惑有無量種此乃伏於見思何關塵沙例如外道分別世智非伏見思云何無量是傍伏破若通教七地出假分別藥病此助滅界內非正伏破云何無量正伏破塵沙亦是別教分別內外四諦有無量種卽是伏破塵沙亦伏無明乃有破無明義今從事得名伏無明者爲便也云何無量伏破無明若圓教三諦俱照法界事理無不明了破自地無明伏上地無明別教無量四諦非前二非後一正就恒沙佛法當名然實通緣諸四諦次第爲論不無傍正初心緣諸無量發心誓願初

正以生滅四諦伏通見思傍修三種次正以無生破
通見思傍修兩種次正以無量破內外塵沙次正用
無作伏無明次正用無作破無明既有如此無量階
差是故經論名數斷伏高下對諸法門多有不同若
華嚴明四十一地謂三十心十地佛地纓珞明五十
二位仁王明五十一位新金光明經但出十地佛果
勝天王般若明十四忍大品但明十地涅槃明五行
十功德約義配位似開三十心十地佛地而文不出
名又十地論攝大乘論地持論十住毗婆沙論大智
度論並釋菩薩地位而多少出沒不同云又斷伏

高下亦異對諸法門行位亦復殊別所以然者既明
界內界外生法兩身菩薩行位如來方便用四悉檀
化界內衆生隨機利益豈得定說不廣尋經論如無
目諍日今若明位數須依纓珞仁王若明斷伏高下
須依大品三觀若對法門須依涅槃用衆經意共成
初心觀教兩門使分明耳諸聖上位非凡能測豈可
妄說粗知大意者爲破行人增上慢心又爲銷經文
引物怖向不可偏執諍競是非也今判位名數依纓
珞仁王者華嚴頓教多明圓斷四十一地不出十信
之名諸大乘經多明諸法門不正辨位前四時般若

多明菩薩觀行法門意亦不正辨位今謂纓珞五十二位名義整足恐是結諸大乘方等別圓之位仁王般若明五十一位恐是結成前四時般若別圓之位也法華但開權顯實顯一圓位涅槃大意亦明別圓兩位而不摘出各目云云斷伏高下依大品三觀者於次第義便也對觀行法門依涅槃五行者正是未代入道所宜也何者別教明觀行有二種一者不共二乘說如華嚴十地論地持九種戒定慧及攝大乘論等是也二者共二乘說如方等大品中論釋論是也今涅槃五行從凡至極故是末代行用爲要也二

總明菩薩位者卽約三經一約纓珞明位數者經有七位謂十信十住十行十迴向十地等覺妙覺地也初十信心卽是外凡亦是別教乾慧地亦名伏忍位也十住卽是習種性此去盡三十心皆解行位悉是別教內凡亦是性地亦名柔順忍位約別教義推應如煥法也十行卽是性種性別教義推應如頂法十迴向道種性別教義推應如忍法世第一法問今明別教何用四善根名答別教十地旣對四果今以方便擬四善根何答又通教通於通別真似兩解作此此決於義分明也十地卽是聖種性此皆入別教四

果聖位悉斷無明別見思惑等覺位卽是等覺性若望菩薩名等覺佛若望佛地名金剛心菩薩亦名無垢地菩薩也妙覺地卽是妙覺性卽是究竟佛菩提果大涅槃之果果也二約大品及三觀合位明斷伏高下者大品菩薩欲具道慧當學般若卽此十信習從假入空觀伏愛見論欲入十住位若得十住卽斷界內見思也欲以道慧具足道種慧當學般若此卽修從空入假十行也欲以道種慧具足一切智當學般若此卽修中道正觀入十迴向位也欲以一切智具足一切種智當學般若此卽是證中道觀入十地

也欲以一切種智斷煩惱習當學般若此卽等覺地也無明煩惱習盡名之爲佛卽妙覺地也三約涅槃明聖行合位者初戒聖行定聖行卽是十信位也生滅無生滅四真諦慧聖行卽是十住位無量四聖諦慧卽是十行位修一實諦無作四聖諦卽是十迴向位次若發真見一實諦證無作四聖諦卽是聖行滿住無畏地得二十五三昧能破二十五有名歡喜地五行具足次後說十功德者恐表住大涅槃十地之功德也過此明佛眼了了是妙覺地也三別解七位餘本尋大樹位竟也

正行具又天受頓十六卷皆悉未卦大畏
 卦無畏卦卦二十五三林道如二十五正行合皆喜
 卦六皆慈寬良一實能清無非四聖稱鳴長聖行
 樂噴長十行卦卦一實能無非四聖稱鳴長十聖
 無無主列四其能慧聖行鳴長十卦無憂四聖
 聖聖行合卦皆得來如 不安聖行鳴長十會
 出無門取淵聖盡各文益無唯妙管正
 出者以一寸靈賢滿歌淵聖管聖樂者其出噴皆賢



